

庫文有萬
種一千一集第一
編主五雲王

讀書雜誌

(三十)

著孫念王

行發館書印務商

讀書雜誌
(三十)
著孫念王

國學基本叢書

讀書雜志

淮南內篇第四

地形

地形之所載

地形之所載六合之間四極之內。念孫案此篇皆言地之所載。地下不當有形字。此因篇名而誤衍耳。高
釋篇名云。紀東西南北山川藪澤地之所載萬物形兆所化育也。則正文本作地之所載明矣。海外南經
云。地之所載六合之間四海之內云云。此卽淮南所本。

八極

天地之間九州八極今本此下有注云。八極八方之極也。念孫案八極當爲八柱。柱與極草書相近。故柱
誤爲極。玉海地理部引此已誤初學記地部上太平御覽地部一及白帖一引此並作天有九部八紀地有九州八
柱。又太平御覽州郡部三引作天地之間九州八柱。楚辭天問曰。八柱何當東南何虧。初學記引河圖括
地象曰。地下有八柱。柱廣十萬里。皆其證也。又案文選張協雜詩注云。淮南子曰。八紘之外有八極。高誘
曰。八極八方之極也。是高注云云。本在下文八紘之外。乃有八極。下後人不知此處八極爲八柱之譌。又

移彼注於此以曲爲附會甚矣其謬也。

通谷其

水道八千里通谷其名川六百陳氏觀樓曰呂氏春秋有始篇作通谷六名川六百此其字當爲六之譌三百仞五十里九淵

凡鴻水淵藪自三百仞以上二億三萬三千五百五十里有九淵念孫案三百仞之百五十里之里九淵之淵皆衍文此言鴻水淵藪自三仞以上者共有二億三萬三千五百五十九也廣雅曰漳潭淵也自三百仞以上二億三萬三千五百五十有九卽用淮南之文

丹水

是謂丹水飲之不死念孫案丹水本作白水此後人妄改之也水經河水注引此作丹水亦後人依俗本改之楚辭離騷朝吾將濟於白水兮王注曰淮南言白水出崑崙之原飲之不死文選思元賦軒白水以爲漿李善卽引王注太平御覽地部二十四亦云淮南子曰白水出崑崙之原飲之不死則舊本皆作白水明矣又案楚辭惜誓涉丹水而馳騁兮王注曰丹水猶赤水也淮南言赤水出崑崙也此是引下文赤水出東南陬之語若此文本作丹水則王注當引以爲證何置此不引而別指赤水以當之乎

赤水之東弱水出自窮石至於合黎餘波入於流沙

赤水之東弱水出自窮石。高注窮石山名也。在張掖北塞外。至於合黎餘波入於流沙絕流沙南至南海引之曰崑崙四隅爲四水所出說本海內西經上文言東北陬東南陬下文又言西北陬無獨缺西南陬之理此處原文當作弱水出其西南陬絕流沙南至南海其弱水出窮石入於流沙及注窮石山名云云則當在下文江出岷山諸條閒王逸注離騷引淮南子弱水出於窮石入於流沙郭璞注海內西經引淮南子弱水出窮石正與江出岷山諸條文義相同也蓋弱水本出窮石而海內西經言出崑崙西南陬故兩存其說此文出崑崙東北陬下文又言河出積石亦是兩存其說後人病其不合則從而合併之於是取下文之弱水出窮石入於流沙及注文皆移置於此處而刪去弱水出其西南陬七字又妄加赤水之東四字弱水出下又加一自字至於合黎餘波六字而淮南原文遂錯亂不可復識矣今案上文赤水次於河水而不言在河水之某方下文洋水次於弱水而不言在弱水之某方則弱水二字前安得有赤水之東四字乎括地志曰蘭門山一名合黎一名窮石山引淮南子弱水源出窮石山見史記夏本紀正義使淮南原文弱水出窮石下有至於合黎之文則合黎非窮石矣志何得言合黎一名窮石山乎其爲後人取禹貢之文附入較然甚明况旣言絕流沙則弱水入其中可知何必又言入於流沙區區餘波又安能絕流沙而過乎後人但知取下文入於流沙句增入餘波二句在前則注當先釋流沙後釋絕字不當先釋絕字後釋流沙也然則絕流沙前本無餘波入於流沙句

而弱水出窮石入於流沙當在江出岷山諸條閒明矣。

縣圃

或上倍之是謂縣圃念孫案上文縣圃涼風樊桐高注云皆崑崙之山名上文又云崑崙之邱或上倍之是謂涼風之山則此縣圃下亦當有之山二字水經河水注引此作是謂元圃之山是其證洪興祖楚辭補注引此亦

有之山二字

元澤

東南方曰具區曰元澤高注曰元讀常山人謂伯爲亢之亢也莊氏伯鴻曰案古讀元爲亢故說文元從

一從亢爲聲又髡一作髡其從亢從元皆爲聲是此讀元爲亢之證古聲亢亢相同也念孫案莊說非也

元澤當爲亢澤字之誤也亢與沆同水經巨馬河注曰督亢溝水東逕督亢澤風俗通言平望漭漭無崖際也是沆亢古字通爾雅云沆也郭璞

曰水流漭沆說文曰沆莽沆大水一曰大澤風俗通義引傳曰沆者莽也言其平望莽莽無涯際也沆譌本舊本水經注改

此言亢澤亦取大澤之義初學記地部上太平御覽地部一引此並作沆澤是其證也高注常

山人謂伯爲亢亢亦亢字之誤伯古阡陌字也管子四時篇曰脩封疆正千伯史記酷吏傳置伯格長餘

字並作亢與吭同廣雅曰吭陌道也釋名曰鹿兔之道曰亢行不由正亢陌山谷草野而過也是吭亢古字通

說文曰趙魏謂伯爲吭漢之常山郡戰國時趙地也此云常山人謂伯爲亢正與說文相合沆吭古同聲而並通作亢故曰亢讀常山人謂伯爲

亢之亢。

各以其類生

土地各以其類生。念孫案此本作土地。各以類生人。今本衍其字。脫人字。陳祥道禮書引此已誤史記天官書正義。藝文類聚水部上白帖六太平御覽天部十五地部二十三疾病部一疾病部三引此並無其字。有人字。

障氣

是故山氣多男澤氣多女。障氣多暗風氣多聾。念孫案障氣本作水氣。後人以水與澤相複。故妄改爲障耳。禮書引此已誤不知凡水皆謂之水。而水鍾乃謂之澤。見周官大司徒注且澤氣與山氣相對。水氣與風氣相對。義各有取。改水爲障。則義不可通矣。太平御覽天部十五疾病部一疾病部三此篇內兩引引此並作水氣。酉陽雜俎廣知篇同。

腫

岸下氣多腫。念孫案腫本作熥。此亦後人妄改之也。禮書引此已誤腫音諸勇反。熥音市勇反。凡腫疾皆謂之腫。而腫足則謂之熥。熥字從亢。亢讀若汪。跛曲脰也。見下條故熥字從之。岸下氣下濕。故有腫足之疾。小雅巧言篇居河之麋。旣微且熥。鄭箋曰。居下濕之地。故生微熥之疾。爾雅曰。旣微且熥。骭瘍爲微。腫足爲熥。是也。若作腫則非其指矣。太平御覽天部十五引此正作熥。又引高注云。岸下下濕。腫足曰熥。今脫此注又疾病

部一 疾病部三 引此並同。

狂

谷氣多痺。邱氣多狂。念孫案狂當爲尪。說文。尢跛曲脰也。從尢。象偏曲之形。古文作尪。一切經音義十八。引蒼頡篇曰。痺手足不仁也。痺與尪皆肢體之疾。故連類而及之。若狂則非其類矣。篆書尪狂二字相似。隸書亦相似。故尪誤爲狂。天官書正義。太平御覽引此作狂。亦傳寫之誤。酉陽雜俎正作尪。呂氏春秋盡數篇。輕水所多禿與瘦人。重水所多尪與𠙴人。苦水所多尪與𠙴人。苦水所多尪與𠙴人。瘦種尪𠙴四字皆與此篇同。

食葉

食葉者有絲而蛾。高注曰。蠶是也。念孫案食葉本作食桑。後人以蟲之食葉者多化爲蛾。故改食桑爲食葉。不知正文本作食桑。故高注專訓爲蠶。若作食葉。則與高注不合矣。爾雅。𧈧羅。郭璞曰。蠶蛾。說文。𧈧蠶。化飛蟲。或作𧈧。是古人言蛾者。多專指蠶蛾言之。故曰食桑者有絲而蛾。故高注專訓爲蠶也。大戴禮易本命篇。家語執轡篇。並作食桑。太平御覽資產部五蠶下。引淮南亦作食桑。意林及藝文類聚蟲豸部並同。

陰屬於陽

鳥魚皆生於陰。陰屬於陽。念孫案下陰字蒙上而衍。此謂鳥魚皆屬於陽。非謂陰屬於陽也。大戴禮家語。

並作鳥魚皆生於陰而屬於陽盧辯曰生於陰者謂卵生也屬於陽者謂飛游於虛也則無下陰字明矣文選辯命論注太平御覽羽族部一引淮南皆無下陰字

中濁

河水中濁而宜菽念孫案中濁二字義不相屬濁本作調中調猶中和也上文曰濟水通和而宜麥義與此相近今作中濁者涉上文汾水濁濁而誤禮書引此已誤後漢書馮衍傳注引此作河水調宜菽太平御覽百穀部五引此作河水中調而宜菽

宜竹

漢水重安而宜竹念孫案太平御覽地部二十三二十七引此竹下皆有箭字今本脫之禮書引此已無箭字古人言物產者多並稱竹箭故曰漢水重安而宜竹箭周官職方氏曰其利金錫竹箭楚語曰楚有藪曰雲連徒洲金木竹箭之所生皆是也

決眦

其人脩形太平御覽引此作隋形兌上大口決眦念孫案眦當爲眴字之誤也說文皆目厓也鄭注鄉射禮曰決猶開也開眴謂大目也大口決眴意相近曹植鼙舞歌曰張目決眴太平御覽人事部四引此正作眴

塞水

北方寒水之所積也。念孫案寒水當爲寒冰字之誤也。上文北方曰積冰。高注曰：北方寒冰所積，因名爲積冰是也。太平御覽引此正作寒冰。

其人憝愚禽獸而壽

其人翕形短頸大肩下尻竅通於陰骨幹屬焉黑色主腎。其人憝愚禽獸而壽。慧各本皆誤作憝。唯道藏春聲引昭二十四年左傳王室日憝。憝焉玉篇音充允切。今左傳憝作憝。杜注曰：憝，蠢動擾貌。又說文：憝，愚也。從心春聲。玉篇音丑。江舒容二切。是憝亂之憝字。從春。憝愚之憝字。從春。聲義絕不相同。周官司刺三赦曰：憝愚。鄭注曰：憝愚生而廢驥童昏者。士昏禮記曰：某之子憝愚。哀公問曰：寡人憝愚冥煩表記曰：其民之敝憝而愚。其字皆從憝。不從春。音丑。江書容二反。不音充允反。此言憝愚而壽，則其字亦從憝。故高注曰：憝讀人謂憝然無知之憝也。又本經氾論二篇皆言愚夫憝婦。義亦與此同。又遺應篇：慧乎若新生之犧。其字亦從春。故莊子知北遊篇作瞳焉如新生之犧。而藏本及各本憝字皆誤作憝。蓋俗讀憝愚之憝聲如犧。故其字遂誤爲憝。他書且有誤爲聾者。今人動言愚聾。其念孫案自翕形短頸以下六句皆承上其人二字言之。則憝愚上不當更有其人二字。上文東方南方西方皆無此二字。此卽因上文其人翕形而誤衍也。太平御覽引此已誤。又案禽獸二字妄人所加也。憝愚而壽與上文早知而不壽文正相對。加入禽獸二字則文不成義矣。太平御覽引無此二字。

中夏

薺冬生中夏死。念孫案此本作薺冬生而夏死。後人以薺死於中夏。因改爲中夏。不知上文禾春生秋死。菽夏生冬死。麥秋生夏死。皆但言其時。而不言其月。薺亦然也。藝文類聚草部下太平御覽百穀部一薺

部五引此並作齊冬生而夏死

三十六國

凡海外三十六國引之曰論衡無形談天二篇並作三十五國今歷數下文自脩股民至無繼民實止三十五國六字誤也

華邱

崑崙華邱在其東南方爰有遺玉青鳥舊本作青馬劉據山海經改爲青鳥今依劉本視肉楊桃甘楂甘華百果所生劉續曰華

經改爲青鳥今依劉本

邱疑蹉邱之誤蹉音嗟山海經蹉邱爰有遺玉青鳥視肉楊柳甘粗甘華百果所生念孫案此海外東經

文也蹉與華形聲皆不相近若本是蹉字無緣誤爲華今案華字當是萃字之誤萃與平古字通堯典平

馬融本平作萃周官車僕萃車之萃故書萃作平

說文馬融本平作萃周官車僕萃車之萃故書萃作平王肅注顧命作萃席

海外北經曰平邱在三桑東爰有遺玉青鳥視肉楊柳

見漢北海相

又作華見桐柏淮

見漢北海相

並與萃相似故萃

見漢北海相

誤爲華矣見漢北海相

史記禮書大路越席正義越席謂蒲爲華席亦是平通作萃因

耳尻海中舊本海譌作之今據海外北經改念孫案褶攝二字聲與耽不相近耽字無緣讀如褶亦無緣通作攝也耽皆誤爲華矣說文舊本海譌作之今據海外北經改誤爲華也史記禮書大路越席正義越席謂蒲爲華席亦是平通作萃因

耽耳

夸父耽耳在其北方高注曰耽耳耳垂在肩上耽讀褶衣之褶舊本衣上脫褶字今補喪大記云君褶衣褶多或作攝以兩手攝

耳尻海中舊本海譌作之今據海外北經改念孫案褶攝二字聲與耽不相近耽字無緣讀如褶亦無緣通作攝也耽皆

當爲耽。今作耽者，後人以意改之耳。說文：耽，耳垂也。從耳下垂象形。春秋傳曰：秦公子耽。耽者，其耳下垂，故以爲名。玉篇：豬涉切。是耳下垂謂之耽。故高注云：耽耳，耳垂在肩上。廣韻：耽耳國名，正謂此也。春秋鄭公子輒。字子耳，義與耽字相近。字或作聶。海外北經云：聶耳之國，在無腸國東，爲人兩手聶其耳。縣居海水中，卽高注所云以兩手聶耳居海中者也。耽與聶聲相近，故海外北經作聶。耽與褶攝聲亦相近，故高讀耽如褶，而字或作攝。後人多見耽，少見聶，又以說文云：耽耳大垂也，故改耽爲耽，而不知其與高注大相抵牾也。

睢出荆山

睢出荆山。睢音睢鳩之。睢字從隹，且聲。舊本作睢非，睢音雖。高注曰：荆山，禹貢北條荆山，在左馮翊懷德縣之南。下有荆漂原。地理志作下有彊梁原水。經渭水注，作下有荆渠。睢州浸也。水經沮水注曰：沮水出東汝陽郡沮陽縣西北，景山卽荆山首也。中山經荆山之首曰景山。水出焉，東南流注于江。故淮南子曰：沮出荆山。高誘云：荆山在左馮翊懷德縣，蓋以洛水有漆沮之名故也。斯繆證耳。念孫案：此所謂沮水，乃江漢睢漳之睢，非漆沮之沮。所謂荆山，乃禹貢南條荆山，非北條荆山。故酈氏以高注爲繆證。莊伯鴻欲改睢爲洛，以合高注，不知洛水過荆山入渭。地理志：左馮翊裏德禹貢北條荆山。南下有疆梁原，洛水東南入渭。在則不得言洛出荆山，且下文明言洛出獵山，何不察之甚也。

汝出弗其西流合於濟

汝出弗其，西流合於濟。各本脫四字。今據水經注引補。高注曰：弗其山，在北海朱虛縣東。水經汝水注曰：按誘說是乃東

汝非經所謂入濟者也。蓋其誤證爾。引之曰。漢書地理志。琅邪郡朱虛有東泰山。汶水所出。東至安邱。入維。此高注所本也。其水入維不入濟。故酈氏以爲誤證。地理志又曰。泰山郡萊蕪有原山。禹貢汶水出西南。句入涑。古濟字此則淮南之汶矣。汶出原山。而此云出弗其者。弗其蓋原山之別名。淮南與地理志似異而實同也。禹貢雖指因高注誤證。而並以淮南爲誤。則過矣。弗其即是原山。在萊蕪縣。與不其縣之不其山名相似。而地則不同。漢萊蕪故城。在今淄川縣東南。不其城在今即墨縣西南二縣相去甚遠。莊氏伯鴻以爲卽不其山謬矣。

丹水出高褚

丹水出高褚。高注曰。高褚一名冢領山。在京兆上雒。丹水所出。東至均入汙也。劉續曰。冢領山在陝西西安府商縣南。丹水出於此。東流至河南內鄉縣。與浙水合流入漢江。非此所謂丹水也。高褚恐高都之譌。漢上黨高都縣堯谷。丹水所出。東南入絕水。見地理志。今山西澤州高平卽高都。有丹水源出仙公山。南流合白水入沁河。此丹水是。念孫案劉說是也。北山經曰。沁水之東有林焉。名曰丹林。丹水出焉。舊本作丹林二字。今依水經注刪。南流注于沁。舊本作注于河。涉上文沁注于河而誤。今依水經注改。水經沁水注曰。丹水出上黨高都縣故城東北阜下。東會絕水。又東南流。白水注之。又東南流。注於沁。竹書紀年晉出公五年。丹水三日絕不流。皆謂此丹水也。漢高都故城。在今澤州府鳳臺縣東北。此作高褚。豈都字古通作諸。因誤爲褚與。

股出嵯山

股出嶧山高無注引之曰徧考地理書無股水之名股疑當爲般隸書舟字多作月故般誤爲股漢巴郡太守張作納功德敍般祖弗就司諫校尉魯峻碑陰平原般並漢書地理志濟南郡般陽應劭曰在般水之陽水經濟水注曰般水出般陽縣東南龍山俗亦謂之爲左阜龍山蓋嶧山也古今異名耳

鎬出鮮于

鎬出鮮于北山經郭注引此鎬作薄劉續曰鎬薄必有一誤引之曰北山經薄水注引此文則薄非誤字可知鎬與薄形聲皆不相似薄字亦無緣誤爲鎬蓋鎬字下有出某山之文而今脫之薄出鮮于又脫薄字故混爲一條耳

晉出龍山結給

晉出龍山結給高注曰給結合一名也龍山在晉陽之西北晉水所出東入汾引之曰晉出龍山結給當作晉出結紺龍山二字因注而衍紺字右畔作合則因下句合出封羊而誤注當作結紺山一名龍山今本作結給亦隨正文而誤又脫山字衍合字也字耳水經晉水注曰晉書地道記及十三州志並言晉水出龍山一云出結紺山在晉陽縣西北太平御覽地部十引郡國志曰懸舊山一名龍山亦名結紺山晉水出焉是結紺山乃晉水所出故曰晉出結紺結紺疊韻字若吉結古讀若作結給則失其韻矣且龍山卽是結紺不得並言龍山結紺也注言結紺山一名龍山者猶上注言發包山一名鹿谷山薄落之山一名笄

頭山猛山一名高陵山其云一名某山乃高以當時山名釋之不得闡入正文。

脫文

引之曰說山篇江出岷山河出崑崙濟出王屋穎出少室漢出嶓冢高注云已說在地形也今地形篇無穎出少室之文蓋寫者脫去。

根拔

凡根拔木者生於庶木念孫案根拔二字涉下文根荄草而誤衍也下文言根荄草者對後浮生不根荄者而言若木則皆有根荄不必別言之曰根拔木也凡木者生於庶木與上文凡羽者生於庶鳥凡毛者生於庶獸凡鱗者生於庶魚凡介者生於庶龜文同一例不當有根拔二字也又下文根拔生程若程若生元玉元玉生醴泉醴泉生皇辜皇辜生庶草凡根荄草者生於庶草高注根拔生程若曰根拔根生草之先也今本草之二字誤倒據下注浮生草之先改案根拔皆當作招搖今作根拔者亦因下文根荄草而誤根荄草生於庶草由庶草而上溯之至於程若是程若爲根荄草之先不得言根拔生程若也西陽雜俎廣動植篇作招搖生程若以下六句皆本淮南則根拔爲招搖之誤明矣。

萍藻

蘿生萍藻萍藻生浮草凡浮生不根荄者生於萍藻念孫案三萍字皆後人所加埤雅引此已誤蘿一作藻萍一

作萍。呂氏春秋季春篇注曰：萍水藻也。今本誤作藻爾雅釋草注曰：水中浮萍。江東謂之藻。則蘋卽是萍。不得言蘋生萍藻。且萍藻爲二物。又不得言萍藻生浮草也。酉陽雜俎正作蘋生藻。藻生浮草。

正土之氣也。

正土之氣也。御乎埃天。念孫案也字衍。下文偏土之氣四段。氣下皆無也字。太平御覽地部三十五引此亦無。

生黃埃黃埃五百歲

埃天五百歲生缺。缺五百歲生黃埃。黃埃五百歲生黃湏。念孫案此本作埃天五百歲生缺。缺五百歲生黃湏。其生黃埃五百歲八字皆因上下文而誤衍也。文有黃泉之埃。上文有埃天。下文青天。八百歲生青曾。青曾八百歲生青湏。與此文同一例。後二段並同。則不當有生黃埃以下八字明矣。初學記寶器部。太平御覽珍寶部九。引此並云：玦五百歲生黃湏。又引注云：玦石也。御覽地部二十五。引此云：埃天五百歲生玦。又引注云：玦石也。玉篇：玦音決石。玦五百歲生黃湏。是其證也。

清天 清泉

偏土之氣。御乎清天。清天八百歲生青曾。念孫案清天當爲青天。謂東方天也。下清泉同。太平御覽地部引此正作青天青泉。

八百歲

青金八百歲生青龍。念孫案八百歲當爲千歲。上文黃金千歲生黃龍。卽其證也。後二段並同。高注云。東方木色青。其數八。故八百歲而一化。此注本在上文青湏八百歲生青金之下。後誤入此句下。讀者因改千爲八百耳。太平御覽引此。正作青金千歲生青龍。

壯土

壯土之氣御乎赤天。太平御覽引注云。壯土。南方土也。念孫案壯土當爲牡土。此對下文北方土爲牡土而言。壯字俗書作壯。與牡相似而誤。

淮南內篇第五

時則

桃李始華

始雨水。桃李始華。倉庚鳴。引之曰。次句內本無始字。今本有者。後人據月令旁記始字。因誤入正文也。高注曰。自冬冰雪。至此春分穀雨。案春分穀雨四字乃後人所改。逸周書時訓篇。雨水之日桃始華。則非春分穀雨時也。呂氏春秋注作自冬冰雪至此土發而耕。故曰始雨水。是首句有始字也。又曰桃李於是皆秀華。是次句無始字也。月令桃始華。倉庚鳴。皆三字爲句。若無

始字則句法參差矣。此文桃李華倉庚鳴亦三字爲句。若加一始字，則句法又參差矣。故桃李華不言始，而桃華則言始。倉庚鳴不言始，而蟬鳴則言始。蟬鳴言始，而寒蟬鳴則不言始。皆變文協句也。呂氏春秋仲春篇正作桃李華。

角斗稱

角斗稱。高注曰：斗稱量器也。念孫案：稱皆當爲桶。桶稱字相近，又涉注內衡石稱也。而誤說文：桶木方受六升。廣雅曰：方斛謂之桶。斗桶爲一類，故高注以桶爲量器。若作稱，則非量器矣。月令作角斗甬。鄭注曰：甬今斛也。呂氏春秋作角斗桶。高彼注與此注同。史記商君傳平斗桶義亦同也。下文仲秋之月角斗桶，桶字亦誤作稱。

撲曲

具撲曲管筐。高注曰：撲持也。三輔謂之撲。撲讀南陽人言山陵同曲薄也。呂氏春季春篇作挾曲。高注曰：挾讀曰朕。三輔謂之挾。關東謂之得。月令作曲植。鄭注曰：植槌也。念孫案：撲與挾皆株字之誤。挾字本作撲。形與株亦相近。株字隸書見玉篇。見玉篇。挾讀若朕。架蠶薄之木也。持陟革反。呂氏春秋注：關東謂之得。乃檮字之誤。檮與持同。廣韻說文：檮槌之橫者也。方言作櫟。云：槌宋魏陳楚江淮之間謂之植。自關而西謂之槌。其橫關西曰櫟。齊部謂之持。郭璞曰：槌縣蠶薄柱也。朕字古音本在蒸部。讀若澄清之澄。說文：澄濁勝。勝十一字並從朕聲。

淮南要略形埒之朕與應爲韻又兵略篇說文朕字從乚朕聲或作凌從乚麥聲是朕麥古同聲故呂氏春秋注云棟讀曰朕此注云棟讀南陽人言山陵同

以雉嘗黍

天子以雉嘗黍高注曰雉新雞也念孫案古無謂新雞爲雉者雉皆當爲雞字之誤也廣雅釋言云雞而曹憲音而絳二反郭注爾雅釋言云今呼少雞爲鶡鶡與雞同少雞卽新雞故高注云雞新雞也月令謂以雛嘗黍其義一也左思蜀都賦巖穴無耕雞翳蕎無鱉鷄鹿子也義與雞亦相近茅一桂不知雉爲雞之誤而改雉爲雛莊本同義則是而文則非矣

馬政

班馬政高注曰馬政掌馬官也念孫案馬政本作馬正注同故高以爲掌馬官呂氏春秋仲夏篇班馬正高彼注亦云馬正掌馬之官是其證月令作馬政鄭注云馬政謂養馬之政教引周官廩人職曰掌十有二閑之政教鄭說是也高不知正爲政之借字故訓爲掌馬之官若字本作政則亦當訓爲政教矣後人依月令改正爲政而不知其戾於高注也

白鍾

孟秋之月西宮御女白色衣白采撞白鍾念孫案白鍾之白因上文而衍春鼓琴瑟夏吹竽笙秋撞鍾冬

擊磬石鍾上不宜有白字而北堂書鈔歲時部二藝文類聚歲時部上太平御覽時序部九引此皆有白字則其誤久矣。

其兵戈

其兵戈念孫案戈當爲戊字之誤也說文戊大斧也從戈し聲亥音司馬法曰夏執玄戊殷執白戚周左杖黃戌右把白髦徐鍇曰今作鉞說文鉞車鑿聲也從金戌聲詩曰鑿聲鉞鉞今詩作戉藝文類聚太平御覽引此並作其兵鉞是其證也四時之兵春用矛夏用戟季夏用劍秋用戈冬用鎛五者皆不同類戈與戟同類夏用戟則秋不用戈矣莊二十五年穀梁傳天子救日陳五兵徐邈曰矛在東戟在南鉞在西楯在北弓矢在中央彼言鉞在西正與此秋用戈同義又案說文引司馬法作戊今經傳皆作鉞未必非後人所改此戊字若不誤爲戈則後人亦必改爲鉞矣史記周本紀斬以玄鉞太平御覽皇親部一引作玄戈戈亦戊之誤

迎秋

天子親率三公九卿大夫以迎秋於西郊念孫案迎秋本作迎歲後人依月令改之耳上文孟春孟夏及下文孟冬並作迎歲高注曰迎歲迎春也又曰迎歲迎夏也則此亦當云迎歲迎秋也後人既改迎歲爲迎秋又刪去高注斯爲妄矣孟冬下亦刪去迎歲迎冬也

戴莊

命太僕及七驕咸駕戴莊。劉續曰：戴莊記作載旌旐，疑莊乃旌字之誤。念孫案：劉說是也。隸書旌字或作柱，與莊相似而誤載。戴古字通。

至國而后已

通路除道從境始至國而后已。念孫案：后字後人所加。季春言從國始至境止。季秋言從境始至國而已。已亦止也。無庸加后字。

鵠加巢

鵠加巢高注曰：鵠感陽而動，上加巢也。念孫案：加讀爲架，謂構架之也。召南鵠巢箋曰：鵠之作巢，冬至架之，至春乃成。釋文：架之俗本或作加功。案之作功者非，架作加則古字通用。劉昌宗讀本經篇：大夏曾加高注：謂以木材相乘架，是加架古字通。此言鵠加巢卽鄭箋所謂冬至架之者，非謂增加其巢也。天文篇曰：日冬至鵠始加巢。月令曰：季冬之日鵠始巢。義並與此同。召南正義引推度災云：鵠以復至之月始作室家是也。

青土

東方之極自竭石。舊本石下有山字，後人所加也。太平御覽地部二引此無山字，尚書大傳亦無今據刪而莊本從之皆未達假借之義。過朝鮮貫大人之國，東至日出之次，搏木之地。青土樹木之野。引之曰：青土當爲青邱。字

之誤也。御覽引本經篇繖大風於青邱之野。今本野誤作澤。辯見本經。高注曰：青邱，東方之邱名。卽此所云東至青邱之野也。呂氏春秋求人篇亦云禹東至榑木之地。日出之野，青邱之鄉。海外東經云：青邱國在朝陽北逸周書王會篇：青邱狐九尾孔晁曰：青邱海東地名。服虔注漢書司馬相如傳云：青邱國在海東三百里。

閉關閭

閉關閭，大接客。念孫案古書無以關閭二字連文者。關當爲門。此涉上文關梁而誤也。上文及天文篇並云：閉門閭，大接客。春秋繁露五行順逆篇云：閉門閭，大接索。太平御覽時序部十二引此作守門閭。

以塞姦人已德

蚤閉晏開以塞姦人已德執之必固。念孫案塞本作索。此後人以意改之也。蚤閉晏開以索姦人。卽上文所謂閉門閭大接客也。下句姦人已得正謂索而得之。若改索爲塞則與下句義不相屬矣。姦人下當更有姦人二字。德讀爲得。蚤閉晏開以索姦人。姦人已得執之必固皆以四字爲句。若第三句無姦人二字則文不成義矣。太平御覽時序部十二地部二引此塞作索德作得是也。但無姦人二字則所見本已誤。

格

夏行冬令。格高注曰：格，歧也。象冬斷刑恩澤歧格不流下。引之曰：高說非也。格讀爲落。謂夏行冬令則草木零落也。格字從木各聲。古讀如各。說見唐韻正格與落聲相近而字相通。史記酷吏傳置伯格長徐廣曰：古

村落字亦作格。村落之落通作格。猶零落之落通作格也。月令云。仲夏行秋令。則草木零落。管子幼官篇。夏行冬政。落篇同。尹知章曰。寒氣肅殺。故凋落也。春秋繁露五行五事篇云。秋行冬政則落。又云。夏行冬政則落。皆其明證矣。

淮南內篇第六

覽冥

尙墓

夫瞽師庶女位賤。尙墓權輕飛羽。高注曰。尙主也。墓廣雅作桌。菜名也。主是官者至微賤也。引之曰。主呆耳之官。書傳未聞。尙泉蓋卽周官典泉下士二人者。典亦主也。見周官典婦功注言典泉本賤官瞽師庶女。則又賤於典泉。泉謂麻枲非謂枲耳也。

右秉白旄 余任

武王伐紂。渡於孟津。陽侯之波逆流而擊。疾風晦冥。人馬不相見。於是武王左操黃鉞。右秉白旄。瞋目而擣之曰。余任天下。誰敢害吾意者。念孫案右秉白旄。秉本作執。此後人依牧瞽改之也。論衡感虛篇引此正作執。論衡稱傳書言武王伐紂渡孟津云云共十二句皆與此同。是所引卽淮南之文也。太平御覽地部二十六。三十六。皇王部九。引此亦作執。

秦族篇亦云武王左操黃鉞右執白旄執與秉同義無煩據彼以改此也任當爲在字之誤也道應篇本在於身在字亦誤余在爲句天下誰敢害吾意者爲句孟子引書曰四方有罪無罪惟我在天下曷敢有越厥志句法與此相似論衡感虛篇藝文類聚儀飾部太平御覽地部二十六三十六皇王部九儀式部一引此並作余在害讀爲曷古字以害爲曷通見詩書曷止也言誰敢止吾意也爾雅曷遏止也商頌長發篇則莫我敢曷荀子議兵篇引作則莫我敢遏

酒湛溢

故東風至而酒湛溢高注曰東風木風也酒湛清酒也米物下湛故曰湛木味酸酸風入酒故酒酢酢即酸也平御覽天部九引此並作酢今據改文選七啓注太而湛者沸溢物類相感也念孫案如高說以酒湛爲清酒則當言湛酒溢不當言酒湛溢故又申之曰酒酢而湛者沸溢殆失之迂矣今案湛溢二字當連讀湛與淫同爾雅久雨謂之淫論衛明雪篇久雨爲湛湛即淫也湛字或作沈微子我用沈醜于酒沈醜即淫醜史記宋世家紂沈湎于酒太史公自序帝辛湛湎揚雄光祿勳箴桀紂淫湎淫湎即湛湎樂書汎沔沈佚沈佚即淫佚淫與湛沈義同而字亦相通考工記旣氏淫之以蜃杜子春云淫當爲湛齊語擇其淫亂者而先征之管子小匡篇淫作沈莊子天下篇禹沐甚雨崔譏本甚作湛音淫淮南脩務篇作禹沐淫雨淫溢猶衍溢也酒性溫故東風至而酒爲之加長春秋繁露同類相動篇曰水得夜益長數分東風而酒湛溢故陽益陽而陰益陰義與此同也

旱雲煙火，涔雲波水。引之曰：煙當爲嫖字之誤也。同說文：嫖火飛也。讀若嫖，一切經音義十四引三倉曰：嫖，迸火也。旱雲嫖火，涔雲波水。猶言旱雲如火，涔雲如水耳。嫖火與波水對文。若作煙火，則與下句不類矣。又齊俗篇：譬若水之下流，煙之上尋也。煙亦當爲嫖。嫖之上尋，猶言火之上尋。故與水之下流對文。天文篇曰：火上尋水下流，是其證也。若以煙火相對，則非其旨矣。藝文類聚火部：煙下引此作煙之上尋，則此字之誤已久。又人間篇：百尋之屋，以突隙之煙焚。煙亦當爲嫖。突隙之煙不能焚屋，明是嫖字之誤。說林篇曰：一家失嫖，百家皆燒。是其證也。太平御覽蟲豸部四引此正作突郤之嫖。世人多見煙，少見嫖，故諸書中煙字多誤作煙。說見呂氏春秋煙火下。

夫陽燧

夫陽燧取火於日，方諸取露於月。念孫案：夫陽燧本作夫燧。今本有陽字者，後人所加也。彼蓋誤以夫爲語詞，又以天文篇陽燧見日則然，而爲火。方諸見月則津而爲水，故加入陽字，不知夫燧卽陽燧也。夫燧與方諸相對爲文。周官司烜氏掌以夫遂取明火於日。燧與鄭注曰：夫遂，陽燧也。下文云：夫燧之取火，慈石之引鐵，並以夫燧二字連文。故高注云：夫讀大夫之夫，則夫非語詞明矣。

故召遠者使無爲焉，親近者使無事焉。

惟夜行者爲能有之。高釋上四句曰：欲致化四夷者，當以無爲無。

爲則夷荒自至。欲親近者當以無事。無事則近人自親附之。念孫案高說非也。親近者使無事焉。使當作言無爲無事。猶今人言無用也。此言使不足以召遠。言不足以親近。惟誠足以動之耳。今本言作使者涉上句使字而誤。高云欲親近者當以無事。以字正釋使字。則所見本已誤作使。管子形勢篇曰。召遠者使無爲焉。親近者言無事焉。唯夜行者獨有之也。形勢解曰。民利之則來。害之則去。故欲民者先起其利。雖者使無爲焉。道之純厚。遇之有實。雖不言曰吾親民。而民親矣。道之不厚。遇之無實。雖言曰吾親民。民不親也。故曰親近者言無事焉。所謂夜行者心行也。能心行。行德天下。莫能與之爭矣。故曰唯夜行者獨有之。此卽淮南所本文子精誠篇曰。夫召遠者使無爲焉。親近者言無事焉。唯夜行者能有之。又本於淮南也。或謂文子所用乃管子之文。非淮南之文。今知不然者。淮南唯此五句與管子同。其上下文皆管子所能有之。文子與淮南同。是此五句亦本於淮南。非本於管子也。

欲以生殊死之人

是猶王孫綽之欲倍偏枯之藥而欲以生殊死之人。念孫案下欲字因上欲字而衍。欲倍偏枯之藥而以生殊死之人作一句讀。不當更有欲字。高注曰。欲倍其劑。以生已死之人。則無下欲字明矣。

取火於日

夫燧之取火於日。念孫案於日二字。因上文取火於日而衍。夫燧之取火。慈石之引鐵。蟹之敗漆。葵之鄉日。各相對爲文。則此處不當有於日二字。

近之則遠 延之則疏

夫道之與德若韋之與革遠之則邇近之則遠不得其道若觀鯀魚念孫案近之則遠遠當作疏此涉上句遠字而誤也德革爲韻疏魚爲韻若作遠則失其韻矣泰族篇遠之則邇延之則疏亦與除虛餘爲韻泰族篇之延字當作近今據泰族之疏字以正此篇遠字之誤并據此篇之近字以正泰族延字之誤文子精誠篇正作近之卽疏

聖若鏡

故聖若鏡不將不迎應而不藏念孫案聖下脫人字意林及太平御覽人事部四十二服用部十九引此並有人字莊子應帝王篇至人之用心若鏡文子精誠篇是故聖人若鏡亦皆有人字

非乃得之也

其得之乃失之其失之非乃得之也念孫案非字義不可通衍文也高注云自謂失道未必不得道也則無非字明矣劉本作其失之也乃得之也此依文子精誠篇改

玄雲之素朝

若乃至於玄雲之素朝陰陽交爭降扶風雜凍雨高注凍雨暴雨也字從凍不從雨。各本皆誤作凍。今改正爾雅暴雨謂之凍郭璞曰今江東呼夏月暴雨爲凍。雨離騷云使凍雨兮灑塵是也。凍音東西之東。念孫案玄雲之素朝衍之字高注曰玄黑素白也是玄雲素朝相對爲文雲下不

當有之字。且兩句皆以四字爲句。加一之字。則句法參差矣。文選南都賦魏都賦注引此皆無之字。

蛇鱗著泥百仞之中。熊羆匍匐邱山暫巖。

蛇鱗著泥百仞之中。熊羆匍匐邱山暫巖。虎豹襲穴而不敢咆。猨狖顛蹶而失木枝。又况直蛇鱗之類乎。
念孫案下言又况直蛇鱗之類。則上文著泥百仞之中者。非謂蛇鱗也。且蛇鱗在淺水之中。亦不得言百
仞。蛇當作𧈧。𧈧與鼴同。史記太史公自序。鼴與處。索隱本作𧈧。鼴與處。本作鼴。鼴與鼴同。 蟬與鼴同。說文。𧈧魚也。皮可以爲鼴也。 史氏春秋古樂篇。𧈧乃言𧈧鱗。徒何。以其實鼓其腹。且伏於深淵而不敢出。况蛇鱗音善之類乎。今本𧈧作蛇者。涉上下文蛇鱗而誤。

引之曰。暫巖乃高峻貌。龍乘風雨而熊羆畏避。則當伏於幽隱之地。山頗高峻。非所以藏身也。暫巖當作之巖。王逸注七諫曰。巖穴也。莊子山木篇。豐狐文約。伏於巖穴。 言熊羆匍匐於邱山之穴。而不敢出也。下文虎豹襲穴而不敢咆。正與此同義。且𧈧鱗著泥百仞之中。熊羆匍匐邱山之巖。二句相對爲文。若作暫巖。則義不明。而句亦不協矣。暫字蓋出後人所改。後人誤讀巖爲暫巖。之巖故以意改之。

燕雀佼之

鳳皇之翔。至德也。燕雀佼之。以爲不能與之爭於宇宙之間。高注曰。燕雀以爲能佼健於鳳皇也。念孫案高說非也。佼讀爲姣。廣雅曰。姣悔也。言燕雀輕侮鳳皇也。上文云。赤螭青虯之游冀州也。蛇鱗輕之。以爲

不能與之爭於江海之中。是其證也。作佼者借字耳。嫁悔之校通作佼猶嫁好之嫁通作佼陳風月出篇佼人僚兮是也。

羽翼

羽翼弱水暮宿風穴。念孫案羽翼弱水四字文不成義。羽翼當爲濯羽。故高注云。濯羽翼於弱水之上。今本作羽翼。卽涉注內羽翼而誤也。舊本北堂書鈔地部二穴下引此正作濯羽弱水暮宿風穴。陳禹謨文本刪去

選辯命論注白帖九十四並同。說文。鳳濯羽弱水暮宿風穴。卽用淮南之文。

歸忽

騁若飛。驚若絕。縱矢躡風。追姦歸忽。高注曰。縱履也。足疾及箭矢。躡蹈也。追姦及之。姦光中有影者。忽然便歸。皆言疾也。念孫按高謂姦爲光中有影者。於古無據。又言忽然便歸。亦失之。姦忽皆謂疾風也。爾雅扶搖謂之姦。郭璞曰。暴風從下上也。說文。颺扶搖風也。颺颺通作姦。忽張衡思元賦曰。乘姦忽兮。驅虛無是也。追姦歸忽。卽承上躡風而申言之。歸忽猶言歸風。說林篇曰。以兔之走使大如馬。則逮日歸風是也。縱矢躡風。追姦歸忽。二句相對爲文。若以歸忽爲忽然便歸。則與上文不類矣。

日入

朝發博桑。日入落棠。高注曰。博桑日所出也。落棠山名日所入也。念孫案日入當爲入日。今本作日入。蓋涉高注日所入三字而誤。不知高注自謂落棠山爲日所入。非正釋入日二字也。入日者及日於將入也。

朝發搏桑謂與日俱出入日落棠謂與日俱入上言追焱此言入日皆狀其行之疾也若云日入落棠則非其指矣上文云鳳皇徑燭都廣入日抑節正與此入日落棠同意海外北經夸父與日逐走入日郭璞曰言及日於將入也意亦與此同

踰於六馬

嗜欲形於胃中而精神踰於六馬陳氏觀樓曰踰當爲喻字之誤也喻曉也言馬曉人意也太平御覽獸部八引此正作喻

律治陰陽之氣

以治日月之行律今本此下有高注云律度也治陰陽之氣節四時之度陳氏觀樓曰律下本無治字律陰陽之氣與

上下相對爲文讀者誤以律字上屬爲句則陰陽之氣四字文不成義故又加治字耳高注律度也三字本在律陰陽之氣下傳寫誤在律字之下陰陽之上隔斷上下文義遂致讀者之惑念孫案文子精誠篇作調日月之行治陰陽之氣此用淮南而改其文也後人不知律字之下屬爲句故依文子加治字耳

燼炎 浩洋

火濫炎而不滅水浩洋而不息念孫案炎當爲焱字之誤也說文焱火華也玉篇弋瞻切廣韻燼力驗切燼焱火延也太平御覽皇王部三引此作燼焱與廣韻合洋當爲漾亦字之誤也玉篇漾弋沼切司馬相

如上林賦灝澨潢漾郭璞曰皆水無涯際貌也左思魏都賦河汾浩汙而皓澨李善注引廣雅曰皓澨大也灝皓並與浩通御覽地部二十四引此作浩澨皇王部三引此作皓澨鑑焱浩澨皆疊韻浩洋則非疊韻蓋後人多見炎洋少見焱澨故焱誤爲炎澨誤爲洋矣

陰陽之所壅沈不通者

陰陽之所壅沈不通者竅理之逆氣戾物傷民厚積者絕止之念孫案陰陽之所壅沈不通者當依文子精誠篇作陰陽所擁擁塞古字通沈滯不通者今本所上衍之字沈下脫滯字則句法參差且與下文不對若壅沈二字連讀則文不成義

睭睭

當此之時臥倨倨興睭睭俗書睭字如此高注曰倨倨臥無思慮也睭睭然視無智巧貌也念孫案睭睭當爲盱盱盱字本作眊形與睭相近故誤爲睭脩務篇以身解於陽盱之河今本盱誤作眊晉書陸機傳豪士賦序偃仰瞪盱文選盱作眊莊子應帝王篇其臥徐徐其覺于于司馬彪曰于于無所知貌正與高注無智巧之意相合盜跖篇曰臥居居起于于于與盱聲近而義同也說文盱張目也倣真篇曰萬民睢睢盱盱然莫不竦身而載聽視魯靈光殿賦鴻荒朴略厥狀睢盱張載曰睢盱質朴之形劇秦美新曰天地未祛睢睢盱盱故高云盱盱然視無智巧貌也若盱爲邪視則與無智巧之意不合矣且莊子以徐于爲韻居于爲韻此以倨盱爲韻若作眊則失其韻矣

蝮蛇

當此之時禽獸蝮蛇無不匿其爪牙藏其螫毒念孫案蝮蛇本作蟲蛇此後人妄改之也禽獸蟲蛇相對爲文所包者甚廣改蟲蛇爲蝮蛇則舉一漏百且與禽獸二字不類矣文子精誠篇正作禽獸蟲蛇韓子五蠹篇亦云人民不勝禽獸蟲蛇

重萬物 服駕應龍 援絕瑞

名聲被後世光輝重萬物乘雷車服駕應龍驂青虯援絕瑞念孫按重字義不可通爾雅釋魚疏引此作光輝薰萬物是也薰猶熏炙也謂光輝熏炙萬物韓詩外傳曰名聲足以薰炙之薰與熏同故高注曰使萬物有輝光也服應龍驂青虯相對爲文故高注曰在中爲服在旁爲驂服下不當有駕字此後人據高注旁記駕字因誤入正文也不知高注駕應德之龍是解服應龍三字非正文內有駕字也一切經音義一太平御覽鱗介部二及爾雅疏引此俱無駕字援絕瑞本作援絕應此亦涉注文而誤也案正文本作絕應故注釋之曰殊絕之瑞應若正文本作絕瑞則無庸加應字以釋之矣爾雅疏引此作絕瑞則所見本已誤御覽引此正作絕應

塙裂

植社槁而塙裂念孫案說文玉篇廣韻集韻皆無塙字塙當爲埠隸書之誤也隸書二字或作𡇠零二字或作零二形相近故零誤爲

零漢書王子侯表序康侯澤史記作零殷又匈奴傳郎中侯零史記作零淺說文據木也今作據玉篇據胡故切好兒或作據皆其例也說文據裂也又曰據坼也據

古字通賈子耳瘞篇作置社槁而分裂

莎蕷 無理

田無立禾路無莎蕷金積折廉璧襲無理磬龜無腹蓍策日施高解路無莎蕷曰莎蕷讀猿猴蹠之蹠案爾雅曰猩狐瑞肉醜其足蹠其跡膚皮與蹠同故曰猿猴蹠蹠各本蹠誤作躁今改正狀如歲莎草名也引之曰莎蕷本作蕷莎故高注先釋蕷後釋莎道藏本誤作莎蕷洪興祖楚辭九歌補注引此已誤注內蕷上又衍一莎字劉績不能是正反移莎字之注於前以就已誤之正文斯爲謬矣莊本同莎與禾贏施爲韻各本贏作理乃後人所改辯見下施若作莎蕷則失其韻矣

高解璧襲無理曰璧文襲重言用之煩數皆鈍無復文理也文子上禮篇無理作無贏引之曰贏當作贏淮南原文當亦是贏字非理字本經篇冠無觚贏之理高彼注云贏讀指端贏文之贏今本贏字皆誤爲也晏子春秋諫篇觚贏作觚贏贏字古亦讀若贏故與贏通也本經篇又曰贏鑄雖琢詭文回波贏鑄亦謂轉刻如贏文也故彼注云贏鑄文章鑄今本贏字亦誤爲贏指端贏文今人猶有此語謂其文之旋轉如贏也璧形圓故謂其文曰贏久而漫滅故曰無贏此注璧文上當有贏字贏璧文是釋贏字之義襲重是釋襲字之義言用之煩數皆鈍無復文理也是統釋璧襲無贏四字之義文子作無贏而此注言無文理故知其字之本作贏也後人不解贏字之義又見注內有無文理之語遂改贏爲

理而不知注內璧文二字正釋贏字也且贏與禾莎施爲韻改贏爲理則失其韻矣。

高重京

大衝車高重京高注曰古者伐不敬取其鯨鯢收其骸尸聚土而瘞之以爲京觀故曰高重壘京觀也念孫案高重京京當爲壘注云故曰高重壘卽其證也注京觀也上當更有一壘字壘京觀也四字卽承上注言之今本正文壘作京涉注文京觀而誤注內又脫一壘字文子上禮篇作高重壘是其明證矣高以上文言濫殺故謂重壘爲京觀今案衝車所以攻重壘所以守此二句別爲一義高重壘卽所謂深溝高壘非京觀之謂也

枕格

廩徒馬圉駕車奉餉道路遼遠霜雪亟集短褐不完人羸車弊泥塗至膝相攜於道奮首於路身枕格而死高注曰奮首民疲於役頓仆於路僅能搖頭耳言疲困也格榜牀也言收民役賦不畢者榜之於格上不得下故曰枕格而死念孫案高說枕格之義非也格音胡格反與輶同謂挽車之橫木也晏子春秋外篇曰擁轅執輶漢書婁敬傳敬脫輶應劭曰輶謂以木當胸以輶輶也見文選西京賦注孟康音胡格反身枕格而死謂困極而仆身枕輶車之木而死也兵略篇曰百姓之挽輶首路死者一旦不知千萬之數高彼注曰輶輶輶橫木也挽輶首路而死卽此所謂奮首於路身枕格而死也人間篇又曰羸弱服格於道病

者不得養。死者不得葬。兵略篇作輶。此及人間篇作格。字異而義同也。奮首於路。身枕格而死。皆承上人羸車斂而言。若以身枕格句爲死於榜掠。則與上文全不相屬矣。

天而不天於人虐 合而爲一家

故自三代以後者。天下未嘗得安其情性。而樂其習俗。保其脩命。天而不天於人虐也。所以然者何也。諸侯力征天下。合而爲一家。念孫案天而不天於人虐也。天字與上下文義不相屬。此因上文天下而誤衍也。太平御覽兵部七十引此無天字。天下合而爲一家。合上脫不字。太平御覽引此有不字。文子上禮篇同。

鑿竇而出水 毀瀆而止水

是猶抱薪而救火。鑿竇而出水。念孫案出當爲止。字之誤也。欲止水而鑿竇。則水從竇入。而愈不可止。若鑿竇而出水。則固其宜耳。文子精誠篇。鑿渠而止水。抱薪而救火。卽用淮南之文。又說林篇。若被蓑而救火。毀瀆而止水。毀當爲鑿。太平御覽火部
一引此已誤俗書鑿字或作鑿。因誤而爲毀。顏氏家訓書證篇說俗字
云鼓外設皮鑿頭生毀瀆與竇同意。林引此正作被蓑救火。鑿瀆止水。今據說林之止水。以正出字之誤。并據此篇之鑿竇。以正說林鑿字之誤。

井植生梓 林無柘梓

夫井植生梓而不容甕。溝植生條而不容舟。又本經篇山無峻幹林無柘梓。高注曰：梓滋生也。念孫案梓皆當爲梓。梓古槧字也。說文：櫟，伐木餘也。商書曰：若顚木之有冑櫟。或作孽。古文作梓。梓字從木，拿聲。說文：拿，小羊也。從羊。馬云：顚木而肆生曰柟。魯語：山不槎槧。韋注曰：以株生曰槧。槧柟并與梓同。是梓爲伐木更生之名。故高注曰：梓滋生也。又說文：冑，木生條也。商書曰：若顚木之有冑柟。是條與梓義相近。故此篇云：井植生梓。溝植生條。倣真篇百事之莖葉條梓。高注云：梓讀詩頌苞有三槧同。是其明證矣。又倣真篇十人養之一人拔之。今本十誤作一。一誤作十。見辯見倣真。則必無餘梓。高注亦讀梓爲槧。梓字篆文作𣔉。隸變作梓。形與梓相似。因誤爲梓矣。

河九折注於海 崑崙之輸也

河九折注於海而流不絕者，崑崙之輸也。念孫案藝文類聚水部上初學記地部中太平御覽地部二十六及文選海賦注引此並云：河水九折注海而流不絕者，有崑崙之輸也。較今本爲長。

淮南內篇第七

精神

二日而朕三月而胎四月而肌

一月而膏。二月而朕。三月而胎。四月而肌。念孫案文子九守篇作一月而膏。二月而脈。三月而豚。四月而胎。廣雅釋親作一月而膏。二月而脂。三月而胎。四月而胞。與此或同或異。又爾雅釋詁釋文及文選江賦注引此竝作三月而豚。亦與今本異。

脫三字

是故肺主目。腎主鼻。膽主口。肝主耳。念孫案文子作肝主目。腎主耳。脾主舌。肺主鼻。膽主口。說肝腎肺之所主與此互異。而多脾主舌一句。案此言五藏之主五官。不當獨缺脾與舌。下文膽爲雲。肺爲氣。脾爲風。腎爲雨。肝爲雷。卽承此文言之。則此當有脾主舌一句。但未知次於何句之下耳。白虎通義亦曰脾繫於舌。

三百六十六日 三百六十六節

天有四時。五行。九解。三百六十六日。人亦有四支。五藏。九竅。三百六十六節。念孫案三百六十六日。三百六十六節。本作三百六十日。三百六十節。後人以堯典言朞三百有六旬有六日。故於上句加六字。因併下句而加之也。不知三百六十日。但舉大數言之。繫辭傳曰。乾坤之策。凡三百有六十。當期之日。是也。若人之骨節。則諸書皆言三百六十。呂氏春秋本生篇曰。則三百六十節。皆通利矣。達鬱篇曰。三百六十節。

九竅五藏六府太平御覽人事部一引公孫尼子曰人有三百六十節當天之數也皆其證矣春秋穎露人副天數篇曰天以終歲之數成人之身故小節三百六十分今本分作六亦是後人所改上文云人有三百六十節偶天之數也卽其證今依上文副日數也大節十二分副月數也淮南天文篇亦曰天有十二月以制三百六十日人亦有十二肢以使三百六十節此皆以十二統三百六十猶十二律之統三百六十音也見天文篇不得言三百六十六明矣太平御覽引此已誤文子九守篇正作三百六十日三百六十節

肝爲風 脾爲雷

故膽爲雲肺爲氣肝爲風腎爲雨脾爲雷高注曰肝木也木爲風生故爲風念孫案肝爲風本作脾爲風注肝木也本作脾木也脾爲雷本作肝爲雷皆後人改之也上注曰肝金也是高不以肝爲木也時則篇春祭先脾注引一說曰脾屬木自用其藏也是脾爲木也說詳經義述聞月令脾屬木而木爲風生故曰脾爲風脾爲風則肝爲雷矣上四句皆有注而肝爲雷下獨無注者後人改肝爲脾則與注不合故刪之耳五行大義論人配五行篇及太平御覽人事部一引此竝作脾爲風肝爲雷文子九守篇同

氣志

夫孔竊者精神之戶牖也而氣志者五藏之使候也念孫案氣可言五藏之使候志不可言五藏之使候氣志當爲血氣此涉下文氣志而誤也上文曰血氣能專於五藏而不外越則胷腹充而嗜欲省矣下文

曰五藏搖動而不定則血氣滔蕩而不休矣故曰血氣者五藏之使候文子九守篇正作血氣使口爽傷

是故五色亂目使目不明五聲譁耳使耳不聰五味亂口使口爽傷趣舍滑心使行飛揚高注曰爽病病傷滋味也念孫案使口爽傷本作使口厲爽注本作厲爽病傷滋味也大雅思齊箋曰厲病也逸周書謐法篇曰爽傷也廣雅同故曰厲爽病傷滋味也後人以韻書爽在上聲與明聰揚三字音不相協故改厲爽爲爽傷不知爽字古讀若霜正與明聰揚爲韻衛風氓篇女也不爽與湯裳行爲韻小雅蓼蕭篇其德不爽與灑光忘爲韻楚辭招魂厲而不爽與方梁行芳艷槩若霜毛詩楚辭而外不煩觀繆故老子五味令人口爽亦與盲聾狂妨爲韻而莊子天地篇五色亂目使目不明五聲亂耳使耳不聰五味濁口使口厲爽趣舍滑心使性飛揚卽淮南所本也且爽卽是傷若云使口爽傷則是使口傷傷矣文子九守篇作使口生創亦是後人所改乃既改正文之厲爽爲爽傷又改注文之厲爽爲爽病甚矣其謬也不從軌度也皆先列正文而後釋其義今改厲爽爲爽病則與上下注文不類矣飛揚

孰知

或者生乃徭役也而死乃休息也天下茫茫孰知念孫案孰知下有脫文劉本作孰知之哉此以意補不

可從諸本及莊本同

心之暴

夫悲樂者德之邪也而喜怒者道之過也好憎者心之暴也念孫案暴當依文子九守篇作累字之誤也上文曰好憎者使人之心勞故曰好憎者心之累也作暴則非其指矣原道篇曰喜怒者道之邪也憂悲者德之失也好憎者心之過也嗜欲者性之累也語意略與此同

靜則與陰俱閉動則與陽俱開

其生也天行其死也物化靜則與陰俱閉與陽俱開念孫案與陰俱閉與陽俱開本作與陰合德與陽同波後人以原道篇云與陰俱閉與陽俱開故據彼以改此也不知波與化爲韻自其生也天行至不敢越也皆隔句用韻若如後人所改則失其韻矣文子九守篇靜卽與陰合德動卽與陽同波卽用淮南之文莊子天道篇其生也天行其死也物化靜而與陰同德動而與陽同波刻意篇同又淮南所本也

正肝膽

正肝膽遺耳目念孫案正當爲亡字之誤也亡與忘同大戴禮作亡呂氏春秋權勸篇是忘荆國之社稷而不恤吾衆也韓子十過篇作亡又韓子難二晉文公墓於齊女而亡歸齊策老婦已亡矣趙策秦之欲伐韓梁東闕於周室甚惟寐亡之竝與忘同忘肝膽遺耳目遺亦忘也若云正肝膽則義與下句不類矣莊子大宗師篇忘其肝膽遺其耳目卽淮南所本倣真篇又云忘肝膽遺耳目

如光之耀。如景之放。劉績依文子九守篇改放爲效。念孫案劉改是也。如景之效形也。效與耀爲韻。若作放。則失其韻矣。

石礫 顛醜

是故視珍寶珠玉猶石礫也。視至尊窮寵猶行客也。視毛嬌西施猶顛醜也。今本注曰。顛頭也。方相氏黃金四目衣赭稀世之顛貌非生人也。但其象耳目顛醜言極醜也。此注既經後人妄改。又多僞脫辯見下。引之曰。石礫本作礫石。說文。礫小石也。逸周書文傳篇云。礫石不可穀。楚辭惜誓。相與貴夫礫石。王注云。相與貴重小石也。韓詩外傳云。太山不讓礫石。江海不辭小流。皆其證也。石與客魄爲韻。若作石礫。則失其韻矣。古韻石在鑄部。礫在藥部。兩部絕不相通。此非精於三代秦漢之音者不能辯也。

顛醜本作俱魄。此魄誤爲醜。醜與魄草書相似。後人又改俱爲顛耳。後人以荀子非相篇面如蒙俱。楊倞曰。俱方相也。周官方相氏注云。如今魋頭。魋與顛古韻同。遂誤以俱爲俱頭之俱。又以說文俱頭字作顛。故改俱爲顛。不知俱醜本作俱魄。乃請雨之土人。非逐疫之顛頭也。俱魄一作欺魄。又作欺顛。列子仲尼篇。若欺魄焉而不可與接。張湛曰。欺魄土人也。釋文曰。魄片各反。字書作欺顛。文選應璩與岑文瑜書注曰。淮南子曰。視西施毛嬌猶俱魄也。高誘曰。俱魄請雨土人也。皆其明證矣。視毛嬌西施如俱魄者。謂視如土偶。非謂視如顛頭也。且魄與石客爲韻。若作顛醜。則失其韻矣。集韻俱字注云。淮南請雨土偶人曰俱。但言俱而不言俱魄。似所見本魄字已誤作醜。然俱字尙未改作顛。且高氏請雨土人

之注亦未嘗改也。今則正文既改，而高注亦非其舊矣。

生時干心

使神滔蕩而不失其充，日夜無傷而與物爲春，則是合而生時干心也。高注曰：若是者合於道，生四時化其心也。言不干時害物也。劉續曰：案文子作則是合而生時於心者也。德充符篇則干乃于字之誤。念孫案：高注生四時化其心也，當作生四時之化于其心也。此是釋生時于心之義。生時于心而與物爲春，則是順時以養物，故注又云：言不干時害物也。今本正文于字作干，卽涉注文干時而誤。

無損於心

且人有戒形而無損於心，有綏宅而無耗精。念孫案：無損於心於衍字也。戒形與損心，綏宅與耗精，皆相對爲文，則損下不當有於字。莊子大宗師篇：且彼有駭形而無損心，有旦宅而無情死。卽淮南所本。

樸桷

今高臺層榭人之所麗也，而堯樸桷不斲，素題不枅。高注曰：樸采也。念孫案：如高注，則樸爲樣之誤也。隸書樸或作樸，樣或作樣。二形相近，故樣誤爲樸。樣卽今橡栗字也。說文曰：樣，柂實。又曰：柂柔也。其實草。今俗作阜。一曰：樣，又曰草斗。櫟實一曰樣斗。高注呂氏春秋恃君篇曰：橡早斗也。其狀似栗，應劭注漢書司用早字。今借

馬相如傳曰櫟采木也。韓子五蠹篇曰堯之王天下也。茅茨不翦。采椽不斲。史記太史公自序索隱引韋昭漢書注曰采椽櫟棖也。合觀諸說。櫟一名柂。一名柔。一名采。其實謂之早。亦謂之樣。是樣爲采實而非采也。然司馬彪注莊子齊物論篇云芋橡子也。芋與柔同則采亦謂之樣矣。故韓子言采椽不斲。此言樣桷不斲。而高注亦訓樣爲采也。又案說文樣字今書傳皆作椽。蓋後人所改也。此樣字若不誤爲樸。則後人亦必改爲椽矣。

奇異

珍怪奇異人之所美也。而堯爌粢之飯。藜藿之羹。莊氏伯鴻曰奇異本皆作奇味。唯藏本作異。念孫案作味者是也。上文高臺層榭指宮室言之。與樣桷素題相對。下文文繡狐白指衣服言之。與布衣鹿裘相對。此文珍怪奇味指飲食言之。與粢粢藜藿相對。若云珍怪奇異則不專指飲食失其指矣。藝文類聚帝王部一太平御覽皇王部五百穀部六文選劉琨答盧諱詩注引此竝作奇味。

天下之細

故覩堯之道乃知天下之輕也。觀禹之志乃知天下之細也。念孫案天下之細天下當爲萬物。此涉上天下之輕而誤也。上文云輕天下則神無累矣。細萬物則心不惑矣。又云堯舉天下而傳之於舜。若解重負然此輕天下之具也。禹視龍猶蝘蜓龍乃弭耳掉尾而逃禹之視物亦細矣。此文知天下之輕承上堯輕

天下而言知萬物之細則承上禹細萬物而言今本萬物作天下則與上文不合。

獨住

輕舉獨住忽然入冥念孫案住當爲往謂輕舉而獨行也若作住則與忽然入冥句義不相屬矣隸書從彳從彳從圭從主之字多相亂故往誤爲住莊子養生主篇郭注不在理上往釋文往一本作住

乃性 乃使始

今夫窮鄙之社也叩盆拊瓴相和而歌自以爲樂矣嘗試爲之擊建鼓撞巨鐘乃性仍仍然知其盆瓴之足羞也念孫案性字義不可通性當爲始古人多以乃始二字連文假眞篇曰乃始昧昧林林皆欲離其歸於利在宥篇曰八者乃始鬱卷偷糲而亂天下也而天下乃始尊之惜之荀子儒效篇曰狂惑魑陋之人乃始率其羣徒辯其談說明其辟稱韓子外儲說右篇曰王乃始長乃始猶然後也藝文類聚禮部中太平自聽之亂乃始生呂氏春秋禁塞篇曰雖欲幸而勝禍乃始長乃始猶然後也御覽人事部一百二十七禮儀部十一樂部二十二器物部三引此竝作乃始又本經篇愚夫憇婦皆有流連之心悽愴之志乃使始爲之撞大鐘擊鳴鼓吹竽笙彈琴瑟失樂之本矣案乃始二字之間不當有使字此因始使聲相亂而誤衍也主術篇曰故民至於焦脣沸肝有今無儲而乃始撞大鐘擊鳴鼓吹竽笙彈琴瑟失樂之所由生矣是其證

夫以天下爲者

藏詩書脩文學而不知至論之旨則拊盆叩缶之徒也夫以天下爲者以上當有無字無以天下爲者承上文許由而言莊子逍遙遊篇許由曰予無所用天下爲對拊盆叩缶而言言無以天下爲者其於世俗之學者猶建鼓之於盆缶也今本以天下上脫無字則義不可通文子九守篇正作無以天下爲者

尊于天下

由此觀之生尊于天下也念孫案尊本作貴此涉上文尊執厚利而誤也此言生貴而天下賤非言生尊而天下卑高注故曰生貴於天下卽其證呂氏春秋知分篇注引此亦作貴秦族篇亦云身貴於天下

若昧

故覺而若昧道藏本如是尙存昧字生而若死舊本生上衍左畔別本作昧尤非生而若死以字今刪終則反本未生之時而與化爲一體高注曰昧暗也厭也厭於目反俗作覺楚人謂厭爲昧引之曰昧與厭義不相近昧皆當爲昧音字之誤也注中暗也二字乃後人所加說文寢寐而厭也字通作昧西山經鶡鴟服之使人不昧郭璞曰不厭夢也引周書王會篇云服者不昧莊子天運篇彼不得夢必且數昧焉司馬彪曰昧厭也是昧與厭同義故高注亦云昧厭也楚人謂厭爲昧後人不知昧爲昧之譌而誤讀爲暗昧之昧遂於注內加暗也二字何其謬也且昧與死體爲韻若作昧則失其韻矣

內總其德

外束其形。內總其德。鉗陰陽之和。而迫性命之情。念孫案總字義不可通。總當爲愁。愁與擎同。鄉飲酒義爲擎。擎斂也。鄭注愁讀說文。擎束也。外束其形。內擎其德。其義一也。叔真篇內愁五藏。外勞耳目。義亦與此同。俗書總字或作搃。又作愁。與愁相似。愁誤爲搃。後人因改爲總耳。文字上禮篇正作外束其形。內愁其德。

無益情者四句

無益情者。不以累德而便於性者。不以滑和念孫案便於性二句。義不可通。且與上文不對。劉績依文子九守篇改爲無益於情者。不以累德不便於性者。不以滑和當是也。

貪富貴 直宜

推此志。非能貪富貴之位。不便侈靡之樂。直宜迫性閑欲。以義自防也。高注曰。宜猶但也。念孫案貪上當有不字。直下不當有宜字。宜卽直之誤。而衍者也。高注宜字亦當爲直。直之言特也。祭義曰。參直養者也。惠王篇曰。直不百步耳。是亦走也。莊子德充符篇曰。某也。直後而未往耳。齊策曰。衍非有怨於儀。直所以爲國者不同耳。義竝與特同。呂氏春秋忠廉篇特王子慶忌爲之賜而不殺耳。高注曰。特猶直也。鄉風柏舟篇實繩我特。韓子特傳吾直戲耳。漢書直作直。史記叔孫通傳。吾直戲耳。漢書直作特。言子夏非能不貪富貴。不樂侈靡。特以義自強耳。特但一聲之轉故云直。猶但也。

淮南內篇第八

本經

太清之始

太清之始也。和順以寂漠。質真而素樸。高注曰。太清無爲之始者。謂三皇之時。念孫案。太清之始。當爲治字之誤也。自和順以寂漠以下二十三句。皆言太清之治如此也。高注當云太清。句無爲之治也。句今本作太清。無爲之始者。文不成義。後人所改也。文選東都賦注。後漢書班固傳注。引此並作太清之化。又引高注曰。太清無爲之化也。治字作化。避高宗諱也。則其字之本作治明矣。太平御覽天部十五。引作太清之始。亦後人依誤本改之。其竹部一引。正作太清之治。文子下德篇。作清靜之治者。和順以寂寥。質真而素樸。是其明證矣。

電霰

雷霆毀折。電霰降虐。念孫案。電霰不同類。且電亦不得言降虐。電當爲雹。草書之誤也。雷霆爲一類。雹爲一類。呂氏春秋仲夏篇云。雹霰傷穀。故言降虐也。文子上禮篇。作雹霜爲害。是其證。

野莢

芟野莢。長苗秀。高注曰。莢草也。引之曰。野草多矣。不應獨言莢。莢當爲莽。隸書莽字作羨。漢仙人唐公房碑王莽居攝二房

莽字叔武竝作羨，仲與莢極相似，故誤爲莢。說文作𦵹，衆草也。故野草謂之野莽。下文野莽白素楚辭九歎遵嶧莽以呼風是也。嶧與野同。注莢草也，亦當作莽草也。泰族篇注莽草也，正與此同。莽卽草，故云莽草也。若莢則當訓爲𦵹，不得況訓爲草矣。

縣聯

夏屋宮駕縣聯房植高注曰：縣聯，聯受雀頭箸桷者。念孫案：縣皆當爲縣字之誤也。錄書縣二字相似，說見原道旋縣一條。下說文：檣屋檣聯也。又曰：楣，秦名屋檣聯也。齊謂之檻。楚謂之檼。方言：屋檼謂之檼。郭璞曰：卽屋檻也。亦呼爲連縣。連縣猶縣聯，語之轉耳。釋名：檼，旅也。連，旅也。或謂之檼。檼縣也。縣連檼頭，使齊平也。上入曰爵頭。形似爵頭也。皆足與高注相證。檼與縣聯與連並字異而義同。太平御覽人事部一百三十四引此正作縣聯。

夏槁

是以松柏箇露夏槁。藝文類聚治政部上引此夏槁上有宛而二字。念孫案：松柏箇露，宛而夏槁。江河三川，絕而不流。四句相對爲文，則有宛而二字者是也。宛與苑同，倣真篇形傷於寒暑燥溼之虐者，形苑而神壯。高注曰：苑，枯病也。苑，讀南陽苑之宛。莊子天地篇釋文云：苑本亦作宛。是苑宛古字通。素問四氣調神大論惡氣不發，風雨不節，白露不下，則苑槁不榮。苑亦與苑同。唐風山有樞篇：宛其死矣。毛傳曰：宛死號，義與此宛字亦相近。

賢不肖

異貴賤。差賢不肖。經誹譽。行賞罰。念孫案。差賢不下本無肖字。不與否同。貴賤賢不誹譽賞罰。皆相對爲文。後人不知不爲否之借字。故又加肖字耳。

一人之制 乘衆人之制

天地宇宙。一人之身也。六合之內。一人之制也。念孫案。制字義不可通。制當爲刑。字之誤也。刑與形同。淮南子。多以刑爲形。一人之形。卽承一人之身言之。文子下德篇。正作一人之形。又主術篇。是故任一人之力者。則烏獲不足恃。乘衆人之制者。則天下不足有也。制亦當爲刑。刑與形同。文子自然篇。作乘衆人之勢。勢亦形也。劉績依文子改制爲勢。義則是而文則非矣。

慶賀

無慶賀之利。刑罰之威。陳氏觀樓曰。賀當爲賞。字之誤也。慶賞與刑罰相對。不當言慶賀。

雷震

天地之大。可以矩表識也。星月之行。可以曆推得也。雷震之聲。可以鼓鐘寫也。風雨之變。可以音律知也。念孫案。雷震當爲雷霆字之誤也。天地星月。雷霆風雨。相對爲文。太平御覽天部十三。引此正作雷霆文。子下德篇同。

有能治之者也

及僞之生也。飾智以驚愚。設詐以巧上。天下有能持之者。有能治之者也。高注曰。有能持之者。桀紂之民。有能治之者。湯武之君也。念孫案。有能治之者也。當作未有能治之者也。言詐僞並起。天下有能以法持之者。未有能以道治之者也。其能治之者必待至人。下文至人之治也。云云是也。文子下德篇。作天下有能持之。而未有能治之者也。是其證。高所見本。蓋脫未字。

能愈多

昔者倉頡作書。而天雨粟。鬼夜哭。伯益作井。而龍登玄雲。神棲崑崙。能愈多而德愈薄矣。太平御覽鱗介部一引此。能愈多作智愈多。念孫案。當作智能愈多。智能二字總承上文言之。今本脫智字。御覽脫能字。文子下德篇。作智能彌多而德滋衰。是其證。

充忍

德交歸焉。而莫之充忍也。高注曰。忍不忍也。念孫案。高蓋誤讀忍也二字爲句。訓忍爲不忍。於正文無當也。今案充忍二字當連讀。忍讀爲物。大雅靈臺篇於物魚躍。毛傳曰。物滿也。德交歸焉。而莫之充滿。所謂大盈若虛也。鄭風將仲子。大雅抑。及周官山虞釋文。忍字竝音刃。忍有刃音。故又與物通。史記殷本紀。充仞宮室。後漢書章八王傳。充仞其第。仞切忍。並同聲而通用。仞初之通作忍。猶忍之通作仞。墨子節葬篇。冬不仞寒。夏不仞暑。仞卽忍字。

鑿齒

猰貐鑿齒。九嬰大風。封豨脩蛇。皆爲民害。念孫案漢書揚雄傳應劭注文選辯命論注太平御覽皇王部五兵部三十六引此鑿齒皆在封豨下。各本誤在猰貐下。又案道藏本劉本朱本猰貐以下六者之注文。本分見於下文六句之下。文選王融曲水詩序注辯命論注太平御覽皇王部五兵部三十六羽族部十四所引皆如是故鑿齒獸名云云本在下文誅鑿齒於疇華之澤之下。自茅本始移六者之注於此文下。而次鑿齒之注於猰貐之下。九嬰之上。則是以已誤之正文。改不誤之注文也。莊本從之謬矣。

疇華之野 青邱之澤

堯乃使羿誅鑿齒於疇華之野。殺九嬰於凶水之上。繳大風於青邱之澤。高注曰疇華南方澤名。青邱東方澤名也。念孫案疇華之野。野本作澤。故高注云。南方澤名。青邱之澤。澤本作野。時則篇云。東至青邱樹木之野是也。今本邱誤作土辯見時則高注本作青邱。東方邱名也。今本正文澤野二字互誤。高注東方邱名。邱字又誤作澤。文選王融三月三日曲水詩序注引此作青邱之澤。亦後人依誤本改之。辯命論注引此正作疇華之澤。青邱之野。又舊本北堂書鈔地部一及太平御覽地部十八。皇王部五兵部三十六資產部十二。引此竝作疇華之澤。青邱之野。又皇王部五資產部十二。引高注竝作青邱東方邱。論衡感類篇亦云堯繳大風於青邱之野。

爲璇室瑤臺象廊玉牀

晚世之時帝有桀紂爲璇室瑤臺象廊玉牀紂爲肉圃酒池念孫案爲璇室上脫桀字大戴禮少閒篇注北堂書鈔帝王部二十太平御覽皇王部七引此爲上皆有桀字

拘無窮之智

今至人生亂世之中含德懷道拘無窮之智念孫案拘字義不可通劉本作抱是也含懷抱三字同意成之迹

取成之迹相與危坐而說之鼓歌而舞之故博學多聞而不免於惑陳氏觀樓曰取成之迹當依文子精誠篇作取成事之迹

秉太一者

帝者體太一王者法陰陽霸者則四時君者用六律秉太一者牢籠天地彈壓山川含吐陰陽伸曳四時紀綱八極經緯六合念孫案秉太一者秉字後人所加下文體太一者云云是釋上文體太一之義此文同一例加一秉字則與下文不合矣藝文類聚帝王部一引此作體太一者亦與下文相複文選魏都賦文賦注引此皆作太一者無秉字亦無體字

無原

贏縮卷舒淪於不測終始虛滿轉於無原高注曰轉化歸於無窮之原本也念孫案正文言無原不言無窮之原高說非也原度也量也言陰陽之化轉於無量也廣雅量諒度也諒與原通宋玉神女賦志未可乎得原韓子主道篇掩其跡匿其端下不能原皆謂不可量度也漢書王莽傳功亡原者賞不限言有無量之功則有不限之賞也顏師古注無原謂不可測其本原失之是古謂無量爲無原淪於不測轉於無原其義一也

有時

四時者春生夏長秋收冬藏取予有節出入有時念孫案有時本作有量此涉上文四時而誤也取予有節出入有量量與節義相近若作時則非其指矣且量與長藏爲韻若作時則失其韻矣文子正作出入有量

外能得人

戴圓履方抱表懷繩內能治身外能得人發號施令天下莫不從風念孫案外能得人本作外得人心高注能得人之歡心正釋得人心三字今本作外能得人卽涉注內能得人而誤此文以繩心風爲韻蒸侵古或相通秦風小戎篇以腫弓膝與音爲韻大雅大明篇以林與心爲韻生民篇以登升歛今爲韻魯頌閼宮篇以乘膝弓綬增膺憲承爲韻管子小匡篇子大夫受政寡人勝任子大夫不受政寡人恐崩心術篇專於意一於心耳目端知遠之證淮南本經篇上下離心氣乃上蒸說山篇欲學歌謳者必先徵羽樂風欲美和者始於陽阿采菱皆其證也古音風字在侵部弓字在蒸部說見唐韻正若作外能

得人則失其韻矣。文子正作內能治身外得人心。

精神

是故神明藏於無形。精神反於至真。念孫案精神與神明意相複。神字卽涉上句而誤。精神當爲精氣。淮南一書多以神與氣對文也。文子下德篇正作精氣反於至真。

身無患

故閉四關。則身無患。百節莫苑。莫死莫生。莫虛莫盈。念孫案身無患。當依文子下德篇作終身無患。終身無患。百節莫苑。相對爲文。下二句亦相對爲文。脫去終字。則句法參差不協矣。

菱杼

木巧之飾。盤紆刻儼。贏鏤雕琢。贏當作贏。贏鏤謂轉刻如贏文。故下句卽云。詭文回波也。贏之理。高注云。贏讀指端。贏文之贏。卽其證。詭文回波。渙游灑滅。菱杼紓抱。高注曰。渙游灑滅。皆文畫擬象水勢之貌。菱芝。杼采實紓戾也。抱轉也。皆壯采相衡持貌也。引之曰。菱杼皆水草也。杼讀爲芋。字亦作苧。漢書司馬相如傳上林賦。蔣芋青蘋。張揖曰。芋三棱也。文選芋作苧。張衡南都賦曰。其草則蘆苧蘋莞。蔣蒲蒹葭。藻萍菱芡芙蓉含華。是芋爲水草也。作苧者或字作杼者借字耳。莊子山木篇食杼栗徐無鬼篇作芋栗。是芋與杼通。畫爲菱杼。在水波之中。故曰渙游灑滅。菱杼紓抱也。高以杼爲采實。采實卽橡栗。與菱爲不類矣。

接徑歷遠直道夷險 蹤蹈

脩爲牆垣。甬道相連。殘高增下。積土爲山。接徑歷遠。直道夷險。終日馳騖而無蹠蹈之患。高注曰。接疾也。徑行也。道之阨者。正直之夷平也。念孫案。接徑歷遠。當在直道夷險之下。此以垣連山遠。患爲韻。若移直道夷險於下。則失其韻矣。高注接疾也。徑行也。亦當在夷平也之下。蓋正文爲寫者誤倒。後人又改注。以從之耳。文選謝惠連秋懷詩注引。此已作接徑歷遠直道夷險。則其誤久矣。又案蹠蹈當爲蹠陷字之誤也。俗書陷字作陷。又因蹠字而誤從足。蹠與墮同。高注原道說山說林脩務竝云蹠蹠也。楚人爲謂爲蹠。王篇陷墮也。原道篇曰。先者墮陷。則後者以謀。又曰。蹠陷今本陷字亦誤作蹠於汚壑穿陷之中。皆其證也。

歌舞節

樂斯動。動斯蹈。蹈斯蕩。蕩斯歌。歌斯舞。歌舞節。則禽獸跳矣。念孫案。歌舞節當作歌舞無節。

非強而致之

夫三年之喪。非強而致之。高注曰。非強行致孝子之情也。情自發於中。念孫案。非強而致之。強下當有引字。高注當作非強引致孝子之情。今本正文脫引字。注內引字又誤作行。羣書治要引此。正作非強引而致之。

血流

血流千里。暴骸滿野。念孫案血流當爲流血。流血與暴骸相對爲文。羣書治要引此正作流血。兵略篇亦云流血千里。暴骸盈場。

淮南內篇第九

主術

謀無過事

是故慮無失策。謀無過事。念孫案謀本作舉。此後人以意改之也。舉猶動也。慮無失策。以謀事言之。舉無過事。以行事言之。若改舉爲謀。則與無過事三字義不相屬。且與上句相複矣。羣書治要引此正作舉無過事。賈子保傅篇是以慮無失計。而舉無過事。卽淮南所本。大戴禮保傅篇同。 文子自然篇。謀無失策。舉無過事。

又本於淮南也。

所守者少

故所理者遠。則所在者邇。所治者大。則所守者少。念孫案少當爲小字之誤也。羣書治要引此正作小。

通於天道

太一之精。通於天道。念孫案通於天道。本作適合於天。今本脫合字衍道字。道字涉下句天元默而衍。 文子自然篇。

正作通合於天。天與精爲韻。天字合韻讀若汀。小淮南山篇不弔吳天與定生寧醒用政姓爲韻。大雅雲漢篇瞻印昊天與星贏成正寧爲韻。瞻印篇瞻印昊天與寧定爲韻。乾彖傳乃統天時乘六龍以御天與形成命貞寧爲韻。坤彖傳乃順承天與生爲韻。乾文言時乘六龍以御天也。
與精情平爲韻。楚辭九章瞭杳杳而薄天九辯瞭冥冥而薄天竝與名爲韻。凡周秦用韻之文。天字多有入耕部者。詩易楚辭而外不可枚舉。若作通於天道。則失其韻矣。此文上下十八句皆用韻。

不殺

是故威厲而不殺。刑錯而不用。念孫案殺本作試。此後人以意改之也。荀子議兵宥坐二篇及史記禮書竝云。威厲而不試。刑錯而不用。不試猶不用也。若云不殺。則非其指矣。太平御覽皇王部三引此正作不試。文子精誠篇同。

擗櫈

無以異於執彈而來鳥。擗櫈而狎犬也。陳氏觀樓曰。說山篇作執彈而招鳥。揮櫈而呼狗。則擗字當爲揮字之譌。說文。揮奮也。

害其鋒 明有不害

昔孫叔敖恬臥而郢人無所害其鋒。高注曰。但恬臥養德。折衝千里之外。敵國不敢犯。句害。此害字因上馬彪注莊子曰。言叔敖安寢恬臥。以養德於廟堂之上。折衝於千里之外。敵國不敢犯。卽用高注語。則犯下無害字明矣。故郢人不舉兵出伐。無所害其鋒於四方也。故郢人不舉兵出伐。無所害其鋒於四方也。

上半與用相似。其

高注亦當作故郢人不舉兵出伐。

無所用其鋒於四方也。莊子徐無鬼篇作孫叔敖甘寢秉羽而郢人投兵投兵亦謂無所用之也。又繆稱篇夜行瞑目而前其手事有所至而明有不害案不害二字義不可通害亦當爲用夜行者瞑目而前其手是不用目而用手故曰明有不用也說林篇曰夜行者掩目而前其手涉水者解其馬載之舟事有所宜而有所不施施亦用也。見原道脩務二篇注

往觀

簡子欲伐衛使史黯往觀焉高注曰觀觀之也念孫案觀訓爲見不訓爲觀觀皆當爲觀廣雅曰觀觀視也玉篇觀七亦切觀也義皆本於高注後人多見觀少見覩故覩誤爲觀矣

民之化也

故民之化也不從其所言而從其所行念孫案民之化也本作民之化上下句其字正指上而言脫上字則義不相屬文子精誠篇正作民之化上

樂聽其音

故曰樂聽其音則知其俗見其俗則知其化念孫案樂字與下文義不相屬當有脫文文子精誠篇作聽其音則知其風觀其樂卽知其俗見其俗卽知其化

業貫萬世而不壅。橫局四方而不窮。高注曰。貫通壅塞。念孫案。業當爲葉。聲之誤也。葉聚也。積也。貫累也。言積累萬世而不壅塞也。方言曰。葉聚也。廣雅同楚通語也。楚辭離騷。貫薜荔之落蕊。王注曰。貫累也。廣雅同荀子王霸篇。貫日而治詳。楊倞曰。貫日積日也。是葉貫皆積累之意也。叔眞篇曰。枝解葉貫。萬物百族。義與此葉貫同。原道篇曰。大渾而爲一葉累而無根。葉累猶葉貫也。叔眞篇曰。橫廓六合。揲貫萬物。揲貫猶葉貫也。彼言橫廓六合。猶此言橫局四方。彼言揲貫萬物。揲貫猶萬物。猶此言葉貫萬世。故廣雅云揲積也。高注訓貫爲通失之矣。

不與焉

故爲治者不與焉。念孫案。不與上當有智字。老子曰。以智治國國之賊。不以智治國國之福。故曰爲治者智不與焉。脫去智字。則文不成義。高注曰。治在道不在智。故曰不與焉。不與上亦當有智字則有智字明矣。文子下德篇。正作知不與焉。

幹舟

湯武聖主也。而不能與越人乘幹舟而浮於江湖。高注曰。幹舟。小船也。越人習水。自能乘之。念孫案。古無謂小船爲幹者。幹當爲舲。字之誤也。舲與船同字。或作艤。廣雅曰。艤舟也。玉篇。舲與艤同。小舟有屋也。楚辭九章。乘舲船余上沅兮。王注曰。舲船。船有牕牖者。叔眞篇。越舲蜀艇。不能無水而浮。高注曰。舲。小船也。越人所便習。正與此注相同。藝文類聚。舟車部。太平御覽。舟部。引此竝作舲舟。御覽又引高注。舲舟。小船。

也皆其證矣。

入榛薄險阻

伊尹賢相也而不能與胡人騎驥馬而服駒驥孔墨博通而不能與山居者入榛薄險阻也念孫案險阻上脫出字入榛薄出險阻與騎驥馬服駒驥相對爲文羣書治要引此有出字

道之數 不達

不因道之數而專己之能則其窮不達矣念孫案道之數本作道理之數此後人以意刪之也下文曰不循道理之數又曰拂道理之數詭自然之性原道篇曰循道理之數因天地之自然皆其證也羣書治要引此正作道理之數文字下德篇同則其窮不達矣達當爲遠字之誤也其窮不遠謂其窮可立而待也文子下德篇正作遠記論篇人章道息則危不遠矣語意略與此同

勇力

由此觀之勇力不足以持天下矣念孫案力字因勇字而衍勇不足以持天下與上文智不足以治天下相對爲文不當有力字羣書治要及太平御覽人事部七十六引此皆無力字下文勇不足以爲強亦無力字

豺狼

夫華騷綠耳。一日而至千里。然其使之搏兔。不如豺狼。伎能殊也。太平御覽獸部八。引此豺狼作狼契。引之曰。狼契皆犬名也。廣雅曰。狼狽犢。犬屬也。玉篇。狹公八切。雜犬也。廣韻同 狐與契通。犬能搏兔。而馬不能。故曰搏兔不如狼契也。後人不知狼契爲犬名。而改爲豺狼。豺狼可使搏兔。所未聞也。

撮蚤蚊 頗越

鴟夜撮蚤。蚊分秋豪。晝日顚越。不能見邱山。形性詭也。高注曰。鴟鴟鵠也。謂之老菟。夜鳴人屋上也。夜則目明。合聚人爪。以著其巢中。故曰察分秋毫。晝則無所見。故曰形性詭也。引之曰。莊子秋水篇。鴟夜撮蚤。察豪末。晝出瞋目。而不見邱山。司馬本。蚤作蚕。云鴟夜取蚕食。崔本。作爪。云鵠鵠夜聚人爪於巢中也。爪蚤通用。故崔本作爪。蚤蚕字形相似。故司馬本作蚕。然則蚤蚕二字不得而竝存矣。淮南作蚤。故高氏但言合聚人爪。而不言食蚕。後人乃取司馬本之蚕字。增於此處。蚕字之下。其失甚矣。秋水篇釋文曰。淮南子鴟夜聚蚤。察分豪末。許慎云。鴟夜聚食蚤蟲不失也。李善注文選演連珠曰。淮南子曰。鴟夜撮蚤。察分豪末。晝出瞋目。而不見邱山。高誘曰。鴟鵠謂之老菟。據二書所引。則許高本俱無蚕字。明矣。顚越二字。與不見邱山意不相屬。且高注但言晝無所見。而不言顚越。文選注引此。正作瞋目。而不見邱山。與莊子同。疑瞋目二字。譌作顚目。而後人遂改爲顚越也。撮蚤之說。許高異義。揆之事理。則許注爲雅馴耳。

游霧而動

夫臘蛇游霧而動應龍乘雲而舉念孫案上句本作臘蛇游霧而騰後人以騰與臘同音因妄改爲動耳不知臘是蛇名而騰爲升義本不相複騰與舉亦同義故下句云應龍乘雲而舉改騰爲動則文不成義矣太平御覽鱗介部一引此正作騰說苑說叢篇同說苑作臘蛇遊霧而騰龍乘雲而舉今本騰上有升字此後人誤以騰字屬下句讀因妄加升字也大戴禮勸學篇亦云臘蛇無足而騰

不爲醜飾不爲僞善

是故得道者不爲醜飾不爲僞善念孫案此本作不僞醜飾不僞善極僞卽爲字也古爲字多作僞說見史記淮南衡山傳爲僞下不僞醜飾不僞善極相對爲文故高注云不飾爲美亦不極爲善也道藏本劉本朱本茅本皆如是莊改不極爲不枉謬甚後人誤讀僞爲詐僞之僞而改上句僞字作爲又改下句作不爲僞善則旣與上句不對而又與高注不合矣且極與飾爲韻若作不爲僞善則失其韻矣

重爲惠若重爲暴

是故重爲惠若重爲暴則治道通矣念孫案重爲惠若重爲暴本無若字後人以詮言篇云重爲善若重爲非故加若字也不知彼文是言爲善者必生事故曰重爲善若重爲非此言惠暴俱不可爲則二字平列不得云重爲惠若重爲暴也下文爲惠者生姦爲暴者生亂卽承此文言之則惠暴平列明矣文子自然篇作是故重爲惠重爲暴卽道達矣無若字

以避姦賊

人主深居隱處以避燥溼閨門重鑿以避姦賊念孫案下避字當作備俗讀備避聲相亂又涉上避字而誤也。呂氏春秋節喪篇奸邪盜賊寇亂之患慈親孝子備之者得葬之情矣俗本備作避亦因上文而誤重門所以防賊故言備作避則義不可通矣文選西京賦注引此正作備。

員者運轉而無

主道員者運轉而無端化育如神虛無因循常後而不先也臣道員者運轉而無方者劉本刪去下者字而莊本從之非是說見論是而處當爲事先倡守職分明以立成功也念孫案臣道員者運轉而無方者本作臣道方者其員者運轉而無六字則因上文而誤衍也羣書治要引無此六字文子上義篇亦無主道員臣道方方員不同道故下文云君臣異道則治同道則亂也呂氏春秋圓道篇亦云主執圓臣執方方圓不易其國乃昌

推而不可爲之勢

夫推而不可爲之勢而不循道理之數今本循誤作脩辯見原道雖神聖人不能以成其功高注曰推行也念孫案推而不可爲之勢而字涉下文而衍

不可使言

聾者可令噏筋。云抱關傳言。聾跛摧筋亦未詳。易林蒙之離。而不可使有聞也。瘡者可使守圉而不可使言也。念孫案不可使言本作不可使通語。今本語誤作言。又脫通字。筋聞爲韻。圉語爲韻。如今本則失其韻矣。太平御覽疾病部三引此正作不可使通語。

營事

人主貴正而尙忠。忠正在上位。執正營事。正與政同。則讒佞姦邪無由進矣。高注曰。營典引之曰。諸書無訓。營爲典者。營當爲管。字之誤也。隸書管字或作營。俗書營字作管。二形相似而誤。管事與執政義相近。史記李斯傳曰。管事二十餘年是也。管典皆主也。故訓管爲典。秦策淖齒管齊之權。高彼注曰。管典也。見史記范睢傳索隱。正與此注同。

不可同羣

夫鳥獸之不可同羣者。其類異也。虎鹿之不同游者。力不敵也。念孫案不可同羣。可字後人所加。鳥獸不同羣。虎鹿不同游。相對爲文。則上句內不當有可字。後人熟於鳥獸不可與同羣之文。因加可字耳。

一舉

衍。是故人主之一舉也。不可不慎也。念孫案此謂舉賢不可不慎。舉上不當有一字。蓋因下文一舉不當而

夫人之所以莫孤玉石而孤瓜瓠者何也無得於玉石弗犯也高注曰玉石堅孤不能入故不孤念孫案孤皆當爲振字之誤也廣雅振裂也曹憲音必麥反字從手底聲振之言劈也瓜瓠可劈而玉石不可劈故曰玉石堅振不能入也方言鋤規裁也梁益之間裁木爲器曰鋤裂帛爲衣曰規郭璞音劈歷之劈義亦與振同若作孤則非其義矣玉篇孤古華切引擊也字從瓜此字各本皆誤爲孤茅一桂不得其解乃讀爲抓痒之抓其失甚矣玉篇抓痒也字從爪

其以移風易俗矣

權勢之柄其以移風易俗矣念孫案其以移風易俗矣文義未足下文曰攝權勢之柄其於化民易矣則此亦當曰權勢之柄其以移風易俗易矣蓋上易爲變易之易下易爲難易之易漢書禮樂志其感人深其移風易俗易今樂記脫下易字見經義述聞顏師古曰易音弋跋反是其證也今本無下易字者後人誤以爲複而刪之耳

而被甲兵不隨南畝非所以都於國也

且夫不治官職而被甲兵不隨南畝而有賢聖之聲者非所以都於國也騁驥驥驥天下之疾馬也驅之不前引之不止雖愚者不加體焉念孫案而被甲兵而當爲不與上下兩不字文同一例作而者字之誤耳不隨南畝隨當爲脩謂不治南畝也隸書隨字或作隨見漢司隸校尉楊渙石門頌其右畔與脩相似故脩誤爲隨

史記趙世家脩下而馮脩或作隋李斯傳隨俗雅化隨俗一作脩使皆以右畔相似而誤非所以都於國也。都字義不可通當是教字之誤。教都草書相似韓子外儲說右篇曰不服兵革而顯不親耕耨而名非所以教於國也。今有馬於此如驥之狀者天下之至良也。然而驅之不前卻之不止則臧獲雖賤不託其足卽淮南所本也。

疾風

夫疾風而波興木茂而鳥集相生之氣也。念孫案疾風當爲風疾風疾木茂相對爲文意林引此正作風疾。

不斷

是故茅茨不翦采椽不斷念孫案斷當爲斲字之誤也。精神篇作樣桷不斲高注樣桷也晉語曰天子之室。斲其椽而礪之加密石焉諸侯礪之大夫斲之士首之以采爲椽而又不斲儉之至也。太平御覽皇王部五引此正作斲韓子五蠹篇史記李斯傳竝同。

不安其性

人主急茲無用之功百姓黎民顛頓於天下是故使天下不安其性。高注曰不得安其正性僞詐生也。念孫案此注後人所改性之言生也。性與生義同而字亦相通說見經義述聞周語不安其生卽承上黎民顛頓言之昭八年左傳曰今宮室崇侈民力彫盡怨讟並作莫保其性義與此同高注當云性生也後人熟於性卽理也之訓故

妄改高注耳。下文近者安其性。高注曰。性生也。故知此注爲後人所改。

楫楔

大者以爲舟航柱梁。小者以爲楫楔。念孫案楫楔本作接摺。此後人以意改之也。接楫竝在葉韻。摺在緝韻。楔在薛韻。接摺疊韻字也。楫楔則非疊韻矣。接摺謂梁之小者。對上文大者爲柱梁而言。莊子在宥篇。吾未知聖知之不爲析楊接摺也。釋文崔云。接摺。桎梏梁也。淮南曰。大者爲柱梁。小者爲接摺也。案小梁謂之接摺。故桎梏之梁亦謂之接摺。集韻接摺。梁也。淮南子大者爲柱梁。小者爲接摺。蓋高注以接摺爲梁。而今本脫之也。據集韻引此作接摺。則北宋本尙未誤。

脫文二句

無大小脩短各得其所宜。羣書治要作大小脩短皆得所宜規矩方員各有所施。念孫案羣書治要引此各有所施下有殊形異材莫不可得而用也二句今本脫去。下文天下之物莫凶於奚毒。然而良醫橐而藏之。有所用也。卽承莫不可得而用言之。則原有此二句明矣。凡治要所引之書於原文皆無所增加。故知是今本遺脫也。

雞毒

天下之物莫凶於雞毒。念孫案雞毒當爲奚毒。注同此涉上文注內析讀如雞而誤也。廣雅本草竝作奚毒。

羣書治要意林及太平御覽藥部七引淮南亦爲奚毒。毒則南宋本尙不誤。無作雞毒者。

并方外

或欲平九州。并方外存危國。繼絕世。引之曰。并本作從。從猶服也。襄十年左傳注。從猶服也。言使方外之國服從也。原道篇曰。從裸國納肅慎。人閒篇曰。王若欲從諸侯。不若大城城父。而令太子建守焉。以來北方。司馬相如難蜀父老曰。朝并從驍。定笮存邛。皆是也。後人不達從字之義。遂改從爲并。不知平九州。從方外存危國。繼絕世。皆謂撫柔中外。非謂吞并之也。羣書治要引此正作從方外。

以刀抵木

是猶以斧割毛。高注。劍以刀抵木也。知爲何物。道藏本茅本並作刀。莊從劉本作刃。失之矣。念孫案。木當言伐。不當言抵。蓋伐誤爲氏。形相似。後人因加手旁耳。說山篇云。刀便剃毛。至伐大木。非斧不剋。是其證。羣書治要引此正作以刀伐木。

以天下之力爭

人主者。以天下之目視。以天下之耳聽。以天下之智慮。以天下之力爭。念孫案。爭本作動。動謂舉事也。慮則用羣策。動則用羣力。故曰。以天下之智慮。以天下之力動。今本動作爭者。後人依文子上仁篇改之耳。藝文類聚帝王部一。太平御覽皇王部二。引此竝作動。

脩通

百官脩通。羣臣輻湊。劉本作脩同。云同一作通。莊本從劉本作同。念孫案作通者是也。藝文類聚引此作脩道。道卽通之誤。太平御覽引此正作脩通。文子上仁篇同。韓子難篇。百官脩通。羣臣輻湊。卽淮南所本。管子任法篇亦云羣臣脩通輻湊以事其主。

先而不弊

聰明先而不弊。樊與蔽同。高注曰：樊，闇。秦策：南陽之樊幽。高彼注曰：樊，隱也。是蔽樊古字通。齊語：使海於未達假借之義。念孫案：先與不弊義不相屬。先當爲光字之誤也。光明也。太平御覽皇王部二引此正作光。

志達

然而羣臣志達效忠者希。不因其身。念孫案：志達當爲達志。寫者誤倒耳。達志效忠。相對爲文。氾論篇。不能達善效忠。卽其證。

其主言可行

明主之聽於羣臣。其計乃可用。不羞其位。其主言可行。不責其辯。劉本作其言可行而不責其辯。念孫案此當作其言而可行。不責其辯。其計乃可用。其言而可行。相對爲文。乃而皆如也。道藏本作其主言可行。主字因上下文而衍。又脫而字。劉本而字在可行下。皆非也。文子上仁篇作其言可行。不責其辯。

縣法者法不法也

縣法者法不法也。設賞者賞當賞也。念孫案縣法者法不法也。上二法字皆當爲罰與設賞者賞當賞也。相對爲文。下文中程者賞謂賞當賞也。缺繩者誅謂罰不法也。今本二罰字作法。後人依文子上義篇改之耳。

以其言

無爲者非謂其凝滯而不動也。以其言莫從已出也。念孫案以其言當作以言其與非謂其相對爲文。今本言其二字誤倒。則文不成義。文子上義篇正作言其。

標

夫寸生於標。標生於日。日生於形。形生於景。此度之本也。高注曰。標禾穂。標字榆頭芒也。十標爲一分。當二字十分爲一寸。十寸爲一尺。十尺爲一丈。故爲度之本也。引之曰。說文玉篇廣韻集韻皆無標字。標當爲標字之誤也。標與秒同。說文秒禾芒也。字或作蘖。通作漂。又通作翫。天文篇曰。秋分而禾蘖定。蘖定而禾孰。律之數十二。故十二蘖而當一分。今本誤作十二粟而當一寸。見天文律以當辰音以當日。日之數十。故十分而爲寸。十寸而爲尺。十尺而爲丈。彼注云。蘖禾穗。孽孚榆之芒也。古文作秒。宋書律志曰。秋分而禾標定。標定而禾孰。注云。標禾穗芒也。玉篇標芒紹切。集韻禾芒也。或作標皆其明證矣。又齊策曰。象牀之直千金。傷此若髮。

漂賣妻子不足償之。史記太史公自序閒不容翻忽正義曰。翻字當作秒。秒禾芒表也。然則標藁漂翻四字竝與秒同。而標爲標之誤明矣。字彙補乃於禾部增入標字。音粟引淮南子寸生於穠。穠生於日甚矣。其謬也。莊以穠爲古累黍字尤不可解。

所謂亡國 有法者

所謂亡國非無君也。無法也。變法者非無法也。有法者而不用。與無法等。念孫案有法者而不用者字當在上文所謂亡國下。與變法者相對爲文。今誤入此句內。則文不成義。

先自爲檢式儀表

是故人主之立法。先自爲檢式儀表。故令行於天下。念孫案先自爲檢式儀表。當作先以身爲檢式儀表。言以身爲度。則令無不行也。下文引孔子曰。其身正。不令而行。是其明證矣。上下文身字凡四見。今本身誤爲自。上又脫以字。文字上義篇作先以自爲檢式。自亦身之誤。唯以字未脫。

心中

內得於心中。外合於馬志。念孫案心中當爲中心。中心與馬志相對爲文。太平御覽治道部五獸部八引此竝作中心。列子湯問篇。文字上義篇皆同。

據除

夫據除而窺井底。雖達視而不能見其睛。引之曰。階除不得有井。除當爲榦。字之誤也。莊子秋水篇。吾跳梁乎井榦之上。司馬彪曰。井榦。井欄也。漢書枚乘傳。單極之航。斷榦晉灼曰。榦。井上四交之榦。說文作韓。云井垣也。此言據井之欄以窺井底耳。

觀其象 遠者治也

物至而觀其象。事來而應其化。近者不亂。遠者治也。念孫案。物至而觀其象。象當爲變。草書之誤也。變與化同義。觀其變。亦謂觀其變而應之也。作象則非其指矣。文子上義篇。正作物至而觀其變。氾論篇亦曰。物動而知其反。事萌而察其變。近者不亂。遠者治也。文子作近者不亂。卽遠者治矣。亦於義爲長。

美者正於度 建於用

美者正於度。而不足者建於用。故海內可一也。念孫案。美當爲羨。正當爲止。建當爲逮。皆字之誤也。文選
爲顧彥先贈婦詩。佳麗良可羨。今本誤作美。玉臺新詠載此詩。正作羨。羨謂才有餘也。羨者止於度。而不足者逮於用。謂人主有一定之法。則才之有餘者。止於法度之中。而不得過。其不足者。亦可逮於用。而不患其不及也。羨與不足正相反。文子上義篇。作有餘者止於度。不足者逮於用。是其明證矣。

與臣下爭

君人者。釋所守而與臣下爭。則有司以無爲持位。守職者以從君取容。是以人臣藏智而弗用。反以事轉

任其上矣。念孫案與臣下爭當作與臣下爭事。唯君與臣爭事是以臣藏智弗用而以事轉任其上也。脫去事字則文義不明。文子上仁篇正作與臣爭事。

與天下交

智不足以爲治。威不足以行誅。則無以與天下交也。念孫案與天下交當作與下交。下謂羣臣也。下文字上見上文曰。法律度量者人主之所以執下。舍是則智不足以爲治。威不足以行誅矣。故曰無以與下交。大學曰與國人交。下上不當有天字。文子上仁篇有天字亦後人依誤本淮南加之。羣書治要引文子無天字。

者欲

喜怒形於心者欲見於外。念孫案者當爲耆字之誤也。耆欲與喜怒相對爲文。文子上仁篇作嗜欲。是其證。

馬死於衡下

與馬競走筋絕而弗能及。上車執轡。則馬死於衡下。陳氏觀樓曰。死字義不可通。文子上仁篇作馬服於衡下。是也。死本作臥。服或作服。下半相似而誤。

有爲

是故君人者無爲而有守也。有爲而無好也。念孫案有爲與無爲正相反。且下二句云。有爲則讒生。有好

則誤起。則不當言有爲明矣。有爲本作有立。有立而無好。謂有所建立而無私好也。高注無私好。今本作有爲。者涉下句有爲而誤。文子上仁篇正作有立而無好。

言建之無形也

故善建者不拔。今本此下有注云。言建之無形也。念孫案此六字乃正文。非注文也。故善建者不拔者。引老子語也。言建之無形也者。釋其義也。精神篇曰。故曰。其出彌遠者。其知彌少。以言夫精神之不可使外淫也。亦是引老子而釋之後人誤以此六字爲注文。故改入注耳。文子正作故善建者不拔。言建之無形也。

謂之塞

故中欲不出謂之局。外邪不入謂之塞。莊氏伯鴻曰。呂覽作外欲不入謂之閉。君篇守據下中局外閉云云。則此句疑當如呂覽。念孫案局與閉皆以門爲喻。閉字是也。文子上仁篇亦作閉。

不伐之言 使自司

故有道之主。滅想去意。清虛以待。不伐之言。不奪之事。循名責實。使自司。念孫案不伐之言。伐當爲代。不代之言。不奪之事。謂臣所當言者。君不代之言。臣所當行者。君不奪之事也。呂氏春秋知度篇。代字亦誤。作伐。案上文云。是猶代庖宰剝牲而爲大匠斲也。呂氏春秋云。是君代有司爲有司也。則皆當作代明矣。

使自司道藏本當從呂氏春秋作官使自司謂使百官自司其事而君不與也故下文云如此則百官之事各有所守此文上下皆以四字爲句脫去官字則不成句矣劉本作使有司文子上仁篇作使自有司皆於義未安莊從劉本作使有司非也

景桓公 魯昭公 荆平王

衛君役子路權重也景桓公臣管晏位尊也念孫案公字後人所加衛君役子路景桓臣管晏相對爲文景桓下加公字則文不成義矣又人閒篇故蔡女蕩舟齊師侵楚今本侵楚上衍大字辯見人閒兩人構怨廷殺宰予簡公遇殺身死無後陳氏代之齊乃無呂兩家鬪雞季氏金距郈公作難魯昭公出走案魯昭公之公亦後人所加自蔡女蕩舟以下皆四字爲句魯昭下加公字則累於詞矣又泰族篇闔閭伐楚五戰入郢燒高府之粟破九龍之鍾鞭荆平王之墓舍昭王之宮案荆平王之王亦後人所加燒高府之粟以下皆五字爲句荆平下加王字則累於詞矣呂氏春秋晉時篇鞭荆平之墳亦無王字

則輕重小大有以相制也

故枝不得大於幹末不得強於本則輕重小大有以相制也若五指之屬於臂搏援攫捷莫不如志言以小屬於大也念孫案則輕重小大有以相制也本作言輕重小大有以相制也此釋上之詞與下言以小屬於大也文同一例後人不達而改言爲則上言不得下言則則文義不相承接矣文子上義篇正作言

輕重大小有以相制也。

其存

所持甚小。其存甚大。所守甚約。所制甚廣。念孫案其存甚大。本作所任甚大。所持甚小。所任甚大。卽下文所謂十圍之木。持千鈞之屋也。今本所任作其存者。其字因與上下三甚字相似而誤。任誤爲在。後人因改爲存耳。文子作所在甚大。在亦任之誤。羣書治要引文子。正作所任甚大。

制開闔

是故十圍之木持千鈞之屋五寸之鍵制開闔。念孫案制開闔三字文義未足。說苑說叢篇作而制開闔。文子作能制開闔能亦而也。而字古通作能。說見經義述聞能不我知下。二書皆本於淮南。則淮南原文本作五寸之鍵而制開闔明矣。道藏本脫而字。劉績不能考正。乃於制開闔下加之門二字。而諸本及莊本皆從之謬矣。上言持千言鈞之屋若無之屋二字則文不成義此言制開闔則其義已明無庸加之門二字

離

故握劍鋒以離北宮子司馬蒯蕡不使應敵操其觚招其末則庸人能以制勝。念孫案握劍鋒以之下脫去一字。離字與上下文皆不相屬。當是雖字之誤。隸書離字或作離。說見天文篇禹以爲朝晝昏夜下形與雖相近。故雖誤爲離。漢書衛青霍去病傳大當戶調雖史記作銅離不使應敵使上當有可字。言手握劍鋒則雖北宮

勳司馬蒯蕡亦不可使應敵。若操其本而舉其末，則庸人亦能以制勝也。可使與能以文正相對。

饑饉

人主租歛於民也。羣書治要作人主之賦歛於民也。必先計歲收，量民積聚，知饑饉有餘不足之數，然後取車輿衣食供養其欲。羣書治要引此，饑饉作饒饉。念孫案作饒饉者原文作饑饉者後人所改也。饒與饉有餘與不足皆相對爲文。鹽鐵論通有篇多者不獨衍少者不獨饉。若作饑饉，則與有餘不足之文不類矣。此言人主必知民積聚之多寡，然後可以取於民。若上言饑饉，則下不得言取車輿衣食供養其欲矣。後人熟於饑饉之文，遂以意改之，而不知其與下文相抵牾也。

掘穴

高臺層榭接屋連閣，非不麗也。然民無掘穴狹廬所以託身者，則明主弗樂也。各本脫則字。今據下文及羣書治要太平御覽引補。是也。因堦誤爲掘，後人遂妄改爲掘穴耳。窟室與狹廬事相類。若云掘穴狹廬，則文不成義矣。羣書治要引此正作窟室。又引注云窟室土室。太平御覽木部七引此亦作窟室。又案民無掘穴狹廬所以託身者，如是。道藏本劉本作民有掘穴狹廬無所託身者。此依下文改也。案下文云民有糟糠菽粟不接於口者，又云民有處邊城犯危難澤死暴骸者。此云民無掘穴狹廬所以託身者，文與下二條異，不當據彼以改此。且且

既有狹廬則不得言無所託身。羣書治要太平御覽引此竝作民無窟室狹廬，則劉改非也。莊依劉本作民有掘穴狹廬，又依道藏本作所以託身者兩無所據矣。

效善

故古之爲金石管弦者所以宣樂也。兵革斧鉞者所以飾怒也。觴酌俎豆酬酢之禮所以效善也。高注：效致也。衰絰菅屨辟踊哭泣所以諭哀也。念孫案效善當爲效喜字之誤也。此以喜怒哀樂相對作善則義不可通。羣書治要引此正作喜。

有以

一人跖耒而耕不過十畝中田之獲卒歲之收不過畝四石妻子老弱仰而食之。文子上仁篇：作仰之而食。時有澇旱災害之患。有以給上之徵賦車馬兵革之費。念孫案有以之有各本多作無。惟道藏本及茅本作有。有字是也有讀爲又。淮南通以有爲又。史記漢書及諸子並同。言終歲之收僅足供一家之食。旣時有水旱之災而又以此給上之徵賦也。後人不知有爲又之借字而改有爲無斯爲謬矣。莊刻仍從諸本作無故特辯之。

人君者

是故人君者念孫案君字當在人字上。羣書治要引此正作君人者。

以火燒田

昆蟲未蟄不得以火燒田。高注曰：不得用燒田也。道藏本劉本朱本並如是。莊本作用不得燒田也非。念孫案：正文燒字，因注內燒田而衍，不得以火田。謂田獵不得用火爾。雅曰：火田爲狩是也。高注不得用燒田，燒讀去聲。管子輕重甲篇：齊之北澤燒尹知章注曰：獵而行火曰燒，式照反是也。燒字正釋火字。若云以火燒田，則不詞矣。王制及賈子容經篇，竝云昆蟲未蟄，不以火田。說苑脩文篇同此卽淮南所本。文子上仁篇亦作不得以火田。

王皆坦然天下而南面焉

堯舜禹湯文武句：王皆坦然天下而南面焉。念孫案：次句當作皆坦然南面而王天下焉。今本顛倒，不成文理。劉本刪去王字尤非。莊本同

磬鼓

磬鼓而食，奏雍而徹。已飯而祭竈。高注曰：磬鼓，王者之食樂也。詩云：鼓鍾伐磬。念孫案：磬鼓而食，當爲伐磬而食。今作磬鼓者，涉注文而誤也。周官大司樂曰：王大食三侑，皆令奏鍾鼓。奏鍾鼓而食，故曰伐磬而食。高注引詩：鼓鍾伐磬。正釋：伐磬二字之義。若云磬鼓而食，則文不成義矣。且伐磬而食，奏雍而徹，相對爲文。荀子正論篇曰：曼而饋，伐皋而食。今本伐誤作代，見荀子與韙同。考工記韙人爲皋鼓是也。雍而徹乎五祀，卽淮南所本也。玉海音樂部樂器類引此，正作伐磬而食。

伐紂

武王伐紂發鉅橋之粟散鹿臺之錢封比干之墓表商容之閭朝成湯之廟解箕子之囚念孫案伐紂本作克殷此後人妄改之也下文解箕子之囚高注武王伐紂教其囚執伐紂二字亦後人所加下文所述六事皆在克殷以後若改克殷爲伐紂則自孟津觀兵以後皆是伐紂之事與下文不合矣羣書治要引此正作武王克殷又齊俗篇昔武王執戈秉鉞以伐紂勝殷搢笏杖殳以臨朝伐紂二字亦後人所加執戈秉鉞以勝殷搢笏杖殳以臨朝相對爲文加入伐紂二字則文不成義且與下句不對矣太平御覽兵部八十四引此無伐紂二字蓋後人熟於武王伐紂之語遂任意增改而不顧文義甚矣其妄也

其所事者多

夫聖人之智固已多矣其所守者有約故舉而必榮愚人之智固已少矣其所事者多故動而必窮矣念孫案其所事者多多上亦當有有字其所守者有多兩有字皆讀爲又又與固已文義相承羣書治要引此正作其所事者又多荀子王霸篇引孔子曰知者之知固已多矣有以守少能無察乎愚者之知固已少矣有以守多能無狂乎此卽淮南所本

捨其易成者

夫以正教化者易而必成以邪巧世者難而必敗凡將設行立趣於天下捨其易成者而從事難而必敗者愚惑之所致也念孫案捨其易成者當作捨其易而必成者今本脫而必二字則與上文不合文子微明篇正作捨其易而必成

仁智錯

故仁智錯有時合。合者爲正。錯者爲權。念孫案故仁智錯有時合。當作故仁智有時錯。有時合。

事可權者多愚之所權者少此愚者之所多患

人之情不能無衣食。衣食之道必始於耕織。萬民之所容見也。容與公古字通劉本始初甚勞終必利也。對上文愚人之所見者寡。事可權者多愚之所權者少。此愚者之所多患。念孫案事可權者多二句當作事之可權者多。對上文愚人之所見者寡。各本脫之字人字則始初甚勞終必利也。衆愚人之所權者少之所見者寡。對下文此智者文義不明。此愚者之所多患。劉本作此愚者之以多患也。案當作此愚者之所以多患也。所以寡患也。道藏本脫以字也。劉本脫所字。

遲利

仁以爲質。智以行之。兩者爲本。而加之以勇力。辯慧。捷疾。劬錄。巧敏。遲利。聰明。審察。盡衆益也。念孫案遲利二字。義不相屬。遲當爲犀。字之誤也。犀亦利也。漢書馮奉世傳。器不犀利。如淳曰。今俗刀兵利爲犀。自勇力以下皆兩字同義。

懷給 棗驥而不式

故不仁而有勇力果敢。則狂而操利劍。不智而辯慧懷給。則棗驥而不式。高注曰。不智之人。辯慧懷給。不

知所裁之猶乘驥而或道藏本如是乘字雖誤而或字尙未誤各本或作乘驥而式或作乘驥不式皆後人據已誤之正文改未誤之注文也辯見下不知所詣也懷佞也念孫案懷與佞義不相近懷皆當爲懷字之誤也懷與儇同字或作譏方言曰儇慧也說文同又曰譏譏慧也廣雅曰辯儇慧也卽此所云辯慧懷給也楚辭九章忘儇媚以背衆兮王注曰儇佞也正與高注同棄驥而不式本作乘驥而或因乘誤爲棄隸書乘或作棄二形相似或誤爲式草書或作棄二形相似或誤爲式後人遂於式上加不字耳或與惑同故高注云不智之人辯慧懷給不知所裁之猶乘驥而或不知所詣也呂氏春秋當務篇曰辯而不當論信而不當理勇而不當義法而不當務或而乘驥也狂而操吳干將也春秋繁露必仁且知篇曰不仁而有勇力材能則狂而操利兵也不知而辯慧懷給則迷而乘良馬也是皆其明證矣儇亦與儇同

專誠

誠身有道心不專一不能專誠念孫案以上文例之則不能專誠當作不能誠身據高注云不脩其本而欲得悅親誠身之名皆難也則正文本作不能誠身明矣今作不能專誠者涉上文心不專一而誤中庸作誠身有道不明乎善不誠乎身矣次句雖異義而首句三句則同

從天之道

黃帝曰。芒芒昧昧。從天之道。與元同氣。念孫案道本作威。今作道者。後人不解威字之義而妄改之也。選文
宋孝武宣貴妃案威者。德也。言從天之德也。廣雅曰。威德也。周頌有客篇。既有淫威。降福孔夷。正義曰。言有德故易福。風俗通義十反篇曰。書曰。天威棐諶。言天德輔誠也。是古謂德爲威也。後秦族篇及呂氏春秋應同篇竝云。黃帝曰。芒芒昧昧。因天之威。與元同氣。用此篇文也。下文故至德言同略事
出泰族篇符言篇。從天之威。與元同氣。用此篇文也。同指云云皆出此篇然則秦族作因天之威。此作從天之威。雖因與從不同。而威字則同矣。

仁義

君子非仁義無以生。失仁義則失其所以生。小人非嗜欲無以活。失嗜欲則失其所以活。故君子懼失仁義。小人懼失利。念孫案三仁字。皆原文所無。此後人依上文加之也。不知此八句與上異義。上文是言仁義不如道德。此文是言君子重義。小人重利。故以義與利欲對言。而仁不與焉。太平御覽人事部六十二義下。引此無三仁字。文字微明篇同。

致尊

聖人之道猶中衢而致尊邪過者斟酌多少不同各得其所宜念孫案致尊當爲設尊字之誤也藝文類聚雜器物部太平御覽居處部二十三器物部六引此竝作設尊

得賢

己未必得賢而求與己同者而欲得賢亦不幾矣念孫案己未必得賢得字因下文得賢而衍羣書治要引此無得字

物莫無所不用

物莫無所不用念孫案此當作物莫所不用莫卽無也無字蓋涉下文無所不用而衍

意而不戴

勇士一呼三軍皆辟其出之誠也舊本誠字誤在也字下今據文子精誠篇改正故倡而不和意而不戴中心必有不合者也高說意而不戴云意恚聲也戴嗟也念孫案高說非也戴讀爲載鄭注堯典曰載行也言上有其意而不行於下者誠不足以動之也下文云上意而民載誠中者也高注曰上有意而未言則民皆載而行之是其證矣文子精誠篇正作意而不載

王天下

故舜不降席而王天下者求諸己也念孫案王當爲匡字之誤也匡正也正己而天下自正故曰舜不降

席而匡天下者求諸己也。己不正則不能正人。故下文曰身曲而景直者未之聞也。下文又曰故舜不降席而天下治。彼言天下治此言匡天下其義一也。今本作王天下則非其指矣。文子精誠篇作不下席而匡天下。韓詩外傳及新序雜事篇竝作不降席而匡天下。

感忽

說之所不至者容貌至焉容貌之所不至者感忽至焉。念孫案感忽者精誠之動人者也。故下文曰感乎心明乎智發而成形精之至也可以形勢接而不可以昭誌。廣雅誌荀子議兵篇曰善用兵者感忽悠闇莫知其所從出。義與此相近。道藏本茅本竝作感忽。文子精誠篇同。劉本誤爲感或。而莊本從之謬矣。

克不能及

中行繆伯手搏虎而不能生也。高注力能殺虎而德不能服之蓋力優而克不能及也。高注克猶能也念孫案克不能及當爲克不及。克能也。言搏虎之力雖優而服虎之能則不及也。優與不及義正相對則及上不當有能字。高注克猶能也是指上句能字而言。正文能字卽因上句能字而衍。

行斯乎其所結 釋近斯遠

終年爲車無二寸之鍤不可以驅馳。匠人斲戶無一尺之楗不以可閉藏。故君子行斯乎其所結。道藏本本斯作思乃後人以意改之莊從各本作思非念孫案斯當爲期字之誤也。言君子行事必期其所終也。高注結要終也又下文釋近斯

遠塞矣。斯亦當爲期。釋近期遠塞矣。謂道在邇而求諸遠。則必塞也。文子精誠篇作舍。近期遠是其證。

遠害

故禹執干戚舞於兩階之間。而三苗服。鷹翔川魚鼈沈飛鳥揚必遠害也。念孫案遠害本作遠實。此後人以意改之也。據高注云。鷹懷欲_矣字與肉同。欲肉者欲食肉也。各本矣字。之心。鳥魚知其情實。故遠之。則本作遠實明矣。太平御覽鱗介部四引此正作遠實。此承上文忠信行於內。感動應於外而言。言禹有忠信之實。故舞干戚而三苗服。鷹有欲肉之實。故魚鳥皆遠之。若無其實而能動物者。則未之有也。後人改遠實爲遠害。失其指矣。

苟簡易

故君之於臣也。能死生之。不能使爲苟簡易。念孫案簡字後人所加。高注云。君不能使臣爲苟合易行之義。則無簡字明矣。下文曰。父之於子也。能發起之。不能使無憂尋。與此相對爲文。加一簡字。則文不成義。且與下文不對矣。

慙乎景

夫察所夜行。周公慙乎景。故君子慎其獨也。念孫案慙上當有不字。方與下意相屬。文子精誠篇作聖人不慙於景。晏子春秋外篇。君子獨立。不慙于景。獨寢。不慙于冕。

至至

故至至不容。高注曰：至道之人，不飾容也。劉本改至至爲至人。莊本同又下文故至至之人，不可遏奪也。高注曰：言至道之人，其心先定，不可臨以利，奪其志也。劉本又改至至爲至道。莊本同念孫案：劉不解至至二字之意，又見高注兩言至道之人，故或改爲至人，或改爲至道。不知至至卽至道也。下文云：故聖人栗栗乎其內，而至乎至極矣。至乎至極，卽所謂至至也。本經篇未可與言至也。高注亦曰：至至德之道也。是道之至極，卽謂之至至乎道之至極，卽謂之至至。故此兩注皆以至至爲至道也。劉不曉注意而以注文改正文，謬矣。下文又云：至至之人。唯此至至二字，劉本未改。不慕乎行，不慚乎善。至至二字，前後三見，何不察之甚也。

不身遁

不身遁斯亦不遁人。高注曰：遁隱也。已不自隱身之行，亦不隱之於人也。念孫案：不身遁，身當爲自字之誤也。據高注云：不自隱身之行，則所見本已誤作身。上文非自遁也。高注云：遁欺也。廣雅同。遁字亦作遯。脩務篇審於形者，不可遯以狀。高注曰：遯欺也。此言自遁亦謂自欺也。不自欺斯不欺人。故下二句云：若行獨梁，不爲無人。不競其容，謂不自欺也。古者謂欺爲遁。管子法禁篇曰：遁上而遁民者，聖王之禁也。謂上欺君而下欺民也。賈子過秦篇曰：姦僞竝起而上下相遁。史記酷吏傳序曰：姦僞萌起其極也。上下相遁，皆謂上下相欺也。

夫子曰弦則是也其聲非也

故心哀而歌不樂心樂而哭不哀夫子曰弦則是也其聲非也高注曰閔子騫三年之喪畢援琴而彈其弦是也其聲切切而哀事見檜風素冠傳引之曰上文申喜遇母及艾陵之戰皆直敍其事此未敍其事而忽云夫子曰弦則是也其聲非也則不知所指爲何事矣疑閔子騫三年之喪畢援琴而彈十二字本是正文在夫子曰上而寫者誤入注也

矜怛

矜怛生於不足高注曰怛驕也念孫案慘怛之怛無訓爲驕者怛皆當爲怛字之誤也說文怛驕也字從且不從旦玉篇秦呂子御二切廣雅曰憇通作驕也高注氾論篇曰駢驕怛也竝與此注同義怛訓爲驕故言矜怛也又呂氏春秋審應篇使人戰者嚴駢也高注曰嚴尊也駢驕也說文又云嫿驕也文選嵇康幽憤詩恃愛肆姐不訓不師怛嫿姐駢竝字異而義同

理詬僕倨徇

容貌顏色理詬僕倨徇劉續云後有倨句詬伸見兵略篇疑此作詬伸倨句衍理字念孫案劉說是也倨句猶曲直也樂記曰倨中矩句中鉤伸誤爲僕句誤爲徇因倨字而誤加人旁理字因下文循理而衍各本徇字又誤爲徇而莊本從之謬矣

刑於寡妻

刑於寡妻。至於兄弟。禪於家國。念孫案刑於寡妻。本作施於寡妻。此後人依大雅改之也。不知施於寡妻。禪於家國。皆用詩意而小變其文。與直引詩詞者不同。無煩據彼以改此也。文選漢高祖功臣頌注。引此正作施於寡妻。施讀若施于孫子之施。

大而章

君子之道。近而不可以至。卑而不可以登。無載焉而不勝。大而章。遠而隆。念孫案大而章。大當爲久。字之誤也。此言君子之道。始於卑近。而終於高遠。是以久而彌章。遠而彌隆。上文云。聖人之爲治。漠然不見賢焉。終而後知其可大也。意正與此同。若云大而章。則義與下句不類矣。文選答賓戲時暗而久章者。君子之真也。李善注引此文云。君子之道。久而章。遠而隆。是其明證矣。

漂池

鑿地漂池。非止以勞苦民也。各從其蹠而亂生焉。高注曰。人或有鑿穿。或有填池。言用心異也。念孫案如高注。則漂池當作涇池。涇訓爲塞。故注言填池也。非止以勞苦民也。止疑當作正。上文曰。故人之甘。甘非正。僞蹠也。僞與爲同。而蹠焉往。君子之潛。但非正僞形也。而諭乎人心。語意與此相似。

循性而行指

太公何力比干何罪循性而行指或害或利念孫案循性而行指謂率其性而行其志也呂氏春秋行論篇布衣行此指於國高注曰指猶志也劉本改指爲止而諸本從之莊本同謬矣

必其得福

故君子能爲善而不能必其得福不忍爲非而未能必免其禍念孫案必其得福當依文子符言篇作必得其福與必免其禍相對爲文

厚薄

故同味而嗜厚薄者必其甘之者也高注曰厚薄厚切肉也念孫案說文薄薄肺脾之屋上也非切肉之義脾皆當爲脾字之誤也說文脾切肉也玉篇旨堯切廣雅脾臠也說文臠切肉也字從專不從專脾之言剗也鄭注文王世子曰剗割也故高注以脾爲切肉鍾山札記以脾爲肝字之誤非也

分分

福之萌也繇繇禍之生也分分福禍之始萌微故民慢之念孫案分分當爲介介字之誤也俗作兮二形分相似故傳寫多譌莊三十年穀梁傳燕周之分子也釋文分本或作介周官內宰注穀介次也釋文作分非大宗伯注雜取其守介而死釋文介或作分莊子庚桑楚篇介而離山釋文介一本作分春秋繁露立元神篇介障險阻介謂作分皆其證也介介微也豫六二介于石繫辭傳憂悔吝者存乎介虞注並云介纖也齊策曰無纖介之禍是介爲微小之稱禍之生也介介與憂悔吝者存乎介意正相近繇繇介介皆微也故曰福禍

之始萌微文子微明篇作禍之生也紛紛則後人妄改之耳

行政善善未必至也

周政至殷政善夏政行行政善善未必至也至至之人不慕乎行不慙乎善念孫案行政善善未必至也當作行政未必善善政未必至也今本上句脫未必二字下句脫政字則文義不明高注夏政行曰行尙粗也是行政未必善也又注殷政善曰善施教未至於道也是善政未必至也又注周政至曰至於道也故曰至至之人不慕乎行不慙乎善見上文至至道說至即至道說

矣鐸

義之所加者淺則武之所制者小句矣鐸以聲自毀膏燭以明白鑠梁氏處素曰矣當爲吳字之誤也吳鐸二字連讀故高注云鐸大鈴出於吳鹽鐵論利議篇吳鐸以其舌自破是其證太平御覽人事部一百引此正作吳鐸以聲自毀

舉以大政 后稷爲大田師奚仲爲工

寧戚擊牛角而歌桓公舉以大政念孫案舉以大政本作舉以爲大田此後人以意改之也舉以大政四字文不成義蓋後人不知大田爲官名故妄改之耳文選江淹雜體詩注引此作舉以爲大田又引高注曰大田官也當作大田今則既改正文又刪去高注矣高注證言篇曰寧戚疾商歌以干桓公桓公舉以爲大田晏子春秋問篇曰桓公

聞寧戚歌舉以爲大田此皆其明證也。管子小匡篇曰：墾草入邑，辟土聚粟，盡地之利。臣不如甯戚。請立大田。又齊俗篇后稷爲大田師。奚仲爲工師。字當在工字下。後人不知大田爲官名。故又移師字於大田之下。太平御覽皇王部五引此已誤。大田田官之長也。工師工官之長也。文子自然篇作后稷爲田疇。奚仲爲工師是其證。

大弦組 小弦急

治國辟若張瑟。大弦組則小弦絕矣。高注曰：組急也。念孫案：組皆當爲絇字之誤也。絇讀若瓦字。本作摵。又作絇。說文：摵引急也。又曰：絇急也。楚辭九歌：絇兮交鼓。王注曰：絇急張弦也。絇卽絇之省文。馬融長笛賦云：絇瑟促柱。是也。意林及太平御覽治道部五引此並作大弦絇。是其證。秦族篇云：故張瑟者。小弦絇而大弦緩。義與此同也。高注亦云：絇急也。今本則依文子改爲小弦急。并刪去高注矣。藝文類聚治政部上文選長笛賦注引此並作小弦絇。又引高注絇急也。足正今本之謬。

積恨而成怨 榛紂之謗

壹快不足以成善。積快而爲德。壹恨不足以成非。積恨而成怨。故三代之善千歲之積譽也。榛紂之謗千歲之積毀也。念孫案：積恨而成怨。怨本作惡。榛紂之謗亦本作惡。皆後人妄改之也。壹快不足以成善。積快而爲德者。德亦善也。言一爲善而快於心。不足以成非。積恨而成惡者。恨悔也。大雅雲漢傳：悔恨也。漢書李廣傳：將軍自念：豈嘗有恨者乎？顏師古注：恨悔也。非亦惡也。言一爲不善而悔於心。不足以成非。多爲不善。則積悔而成惡矣。快與恨對。善與非對。德與惡對。皆謂己之善惡。非謂人之恩怨也。後人

誤以德爲恩德，恨爲怨恨，故改惡爲怨耳。三代之善，千歲之積譽也；桀紂之惡，千歲之積毀也。善與惡對，譽與毀對。改惡爲謗，則既與善字不對，又與毀字相複矣。文選運命論注引此正作桀紂之惡。

二鳳凰

昔二鳳凰至於庭。劉本作昔二皇鳳凰至於庭。念孫案此本作昔二皇鳳至於庭。文選注藝文類聚太平御覽玉海並引高注二皇必羲神農也。今本脫之。原道篇泰古二皇高彼注與此注同。道藏本皇字倒在鳳字下。因誤而爲凰。劉本補皇字而未刪凰字。各本及莊本同。皆非也。文選長笛賦注藝文類聚祥瑞部下太平御覽羽族部二及爾雅翼玉海祥瑞部引此並作二皇鳳至於庭無凰字。

兼覆蓋 度伎能 兼覆而并之 技能其才

兼覆蓋而并有之。伎能而裁使之者聖人也。高注曰：裁制也。度其伎能而裁制使之。念孫案正文本作兼覆而并有之。伎能而裁使之者聖人也。高注曰：裁制也。度其伎能而裁制使之。伎之言支也。支度也。大戴禮保傅篇燕支地計衆不與齊均也。虛贊教篇支猶計也。賈子胎度地計衆。注言度其能而裁制使之。度字正釋伎字。今本注文作度其伎能者涉正文而衍伎字也。太平御覽引此已誤。正文作度伎能者，又涉注文而衍度字也。御覽引此不誤。因正文衍度字，後人又於上句加蓋字以對下句。兼覆蓋而并有之，斯爲不詞矣。太平御覽人事部一引此正作兼覆而并有之。技能而裁使之。伎與文子符言篇同。又齊俗篇若以聖人爲之中，則兼覆而并之。案彼文并下當有有字。兼覆而并有之，伎與文子符言篇同。又齊俗篇若以聖人爲之中，則兼覆而并之。

文與此同也。又兵略篇必擇其人技能其才使官勝其任人能其事案技能其才能字涉下文能其事而衍技其才亦謂度其才也擇其人技其才官勝其任人能其事皆相對爲文則技下不當有能字且能卽是才若云技能其才則是技能其能矣。

淮南內篇第十一

齊俗

僞匿之本

夫水積則生相食之魚土積則生自宀之獸。安與肉同各本宀誤作穴。見原道欲賓之心下。禮義飾則生僞匿之本太平御覽禮儀部二引此僞匿之本作僞慝之儒又引注曰僞詐慝姦念孫案慝匿古字通說見秦族民無匪情下。本當爲士僞匿之士與相食之魚自肉之獸相對爲文若云僞匿之本則與上文不類矣御覽作僞慝之儒儒亦士也隸書士字或作木見漢仙人唐公房碑陰。與本相似又涉上文禮義之本而誤。

致煖 兵戈

其衣致煖而無文其兵戈銖而無刃刃頓爲銖。高注楚人謂。念孫案此本作其衣煖而無文其兵銖而無刃後人於煖上加致字於義無取戈爲五兵之一言兵而戈在其中不當更加戈字且其衣致煖與其兵戈銖不對。

明是後人所改。文子道原篇正作其衣煖而無采。其兵鈍而無刃。

抽箕 扣墳墓

故有大路龍旂羽蓋垂綾結駟連騎則必有穿窬拊楗抽箕踰備之姦。高注曰：抽握也。備後垣也。引之曰：抽箕當爲抽墓。高注抽握也。當作挖掘也。扣字本作搚。說文曰：搚掘也。或作扣。廣雅曰：扣掘也。荀子正論篇曰：扣人之墓是也。呂氏春秋節喪篇葬淺則狐狸扣之。高注曰：扣讀曰掘。是扣與掘聲相近字亦相通也。今本扣墓作抽箕者抽與扣字相似故扣誤作抽。說林篇伏答扣免絲死藝文類聚草部上引此扣作抽論衡薄葬篇不畏罪法而邱墓扣矣今本扣作抽蓋以世人多見扣而少墓與基字亦相似。墓以形誤爲基。漢書敍傳陵不崇墓漢紀墓字誤爲基墓可誤爲基故基亦可誤爲墓逸周書大開篇兆基九開今本基誤爲墓是也。墓可誤爲基故莫亦可誤爲其史記孝文紀宗室將相王列侯以爲莫宜寡人。漢書莫誤爲其是也漢書大開篇兆基九

之姦皆謂盜賊也。楗謂戶牋也。拊楗謂搏取戶楗也。呂氏春秋異用篇云：跖與企足得飴以開閉取楗是也。備與培同。下文鑿培而遁之。高注曰：培屋後牆也。呂氏春秋聽言篇亦作培莊子庚桑楚篇作坏漢書楊雄傳作坏故此注云：備後垣也。又兵略篇毋扣墳墓扣亦扣字之誤。本或作抉者後人以意改之耳。莊子庚莊刻從或

蠅恙

夫蝦墓爲鶉水臺爲蠅恙。高注曰：青蛤也。青蛤上當有蛤字念孫案水臺爲蠅恙。本作水臺爲蠅。玉篇蠅千公切。蜻蛉也。廣韻引淮南子：蝦墓爲鶉水臺爲蠅。太平御覽蟲豸部六所引與廣韻同。又引注云：老蝦墓化爲

鶉水中蠻蟲化爲蛻。蛻者，蜻蜓也。此蓋許注說林篇水蠻爲蛻。高注曰水蠻化爲蛻。蛻青蜓也。皆其明證矣。今本作水蠻爲蛻。忘者，蛻爲蛻之誤。誤爲蛻耳。廣雅釋草，蠻蕡也。今本蕙作蠻。因證也。其蕙爲蕊之誤。蕊俗書蕙字也。與蛻同音。校書者記蕊字於蛻字之旁。而寫者因誤合之耳。又案高注青蛻也下。各本皆有音矛音務四字。蓋蛻蕊二字既誤爲蛻忘後人遂妄加音釋耳。字彙補乃於虫部收入蛻字音矛。又於草部蕊字下注云音務。引淮南子水蠻爲蛻蕊甚矣其惑也。

筐

柱不可以摘齒。若剔，筐不可以持屋。高注曰：筐小簪也。太平御覽居處部十五引作蓬。不可以持屋。念孫案：筐與蓬皆筵字之誤也。筵讀若庭。又讀若挺。庭挺皆直也。爾雅庭直也。考工記弓人注曰挺直也。小簪形直。故謂之筵。小簪謂之蓬。小折竹謂之筵。草莖謂之莲杖。謂之挺。皆以直得名。柱與筵大小不同。而其形皆直。故類舉之。若筐與蓬。則非其類矣。玉篇：筵徒丁切。小簪也。義卽本於高注。此言大材不可小用。小材不可大用。故柱可以持屋。而不可以摘齒。小簪可以摘齒。而不可以持屋也。筵字隸書或作莊。隸書從竹之字或從草。形與蓬相似。筐與筵草書亦相似。故筵誤爲筐。又誤爲蓬矣。

函食不如簾
獎簾

夫明鏡便於照形。其於以函食不如簾。念孫案：函食不如簾。本作承食不如竹算。算博計反。今本承誤爲函算。

誤爲簾。誤爲簾。又脫去竹字耳。說文算蔽也。所以蔽餕底。承讀爲烝之浮浮之烝。謂用以烝食也。漢書地理志長沙國承陽師古曰承音蒸續漢書郡國志作蒸陽是蒸與承通太平御覽器物部引此作蒸食今人猶謂餕中蔽爲簾子世說云客詣陳太邱宿太邱使元方季方炊二人委而竊聽炊忘箸算飯落釜中是也說山篇云弊算餕在旃茵之上雖貪者不搏是算爲物之賤者然明鏡雖貴若用以蔽餕底則氣不上升而食不熟竹算雖賤而可以烝食故下文云物無貴賤因其所貴而貴之物無不貴因其所賤而賤之物無不賤也鏡形圓算形亦圓故連類而反之若簾笱之屬則礙之不於其倫矣且算與娛爲韻若作簾則失其韻矣太平御覽服用部鏡下引淮南子明鏡可鑑形蒸食不如竹算是則服用部作簾者後人據誤本淮南改之耳北堂書鈔服飾部鏡下引作承食不如竹簾簾亦算之誤又案說山篇弊算餕類今本算作簾非也說文算蔽也所以蔽餕底從竹界聲玉篇博計切急就篇云等簾箇簾算簾是也說文又云簾箇簾也從竹卑聲玉篇必匙必是二切急就篇云箇簾箇希籠箇簾是也此言蔽算餕類則是餕算之算非箇簾之簾字不當從卑

代爲常

見雨則裘不用升堂則裘不御此代爲常者也陳氏觀樓曰常當爲帝字之誤也太平御覽服章部十一引此已誤代爲帝謂裘與裘迭爲主也說林篇曰旱歲之土龍疾疫之芻靈是時爲帝者也莊子徐無鬼篇曰董也桔梗

也。雞癰也。豕零也是時爲帝者也。羲竝與此同。

肆

譬若舟車楯肆窮廬故有所宜也。高注曰。沙地宜肆修務篇水之用舟沙之用肆泥之用輶山之用橐念孫案肆當作牘。玉篇鳥切乃字相似而誤。文子自然篇正作沙用牘。朱本茅本莊本依呂氏春秋憲勢篇改作沙之用鳩非也。鳩與肆形聲皆不相近。若是鳩字不得誤爲肆矣。或又因說文無牘字而以肆爲櫟。櫟與肆形聲亦不相近。且脩務篇明言沙用肆。山用橐。與櫟同肆橐不同物何得以肆爲櫟乎。

過簫

若風之過簫忽然感之各以清濁應矣。陳氏觀樓曰。各本過字皆誤作遇。莊本同唯道藏本不誤。文子自然篇正作若風之過簫。

以物

凡以物治物者不以物句以睦。句治睦者不以睦。以人治人者不以人。以君念孫案凡以物治物者以物二字。因下文而衍。呂氏春秋貴當篇文字下德篇皆無此二字。

哀可樂者

夫載哀者聞歌聲而泣。載樂者見哭者而笑。哀可樂者笑可哀者。載使然也。念孫案哀可樂者者字因下

句而衍

水擊 智昏

故水擊則波興氣亂則智昏智昏不可以爲政。與正同波水不可以爲平念孫案水擊當爲水激聲之誤也。羣書治要引此正作激汜論篇亦云水激興波智昏不可以爲政智昏當爲昏智昏智與波水相對謂既昏之智不可以爲正已波之水不可以爲平也今本作智昏者蒙上句而誤文子下德篇正作昏智不可以爲正。

萬物之情既矣

故聖王執一而勿失萬物之情既矣四夷九州服矣高注曰既盡也各本脫此劉本有念孫案既本作測高注本作測蓋也今本正文注文皆作既後人以意改耳羣書治要引此正作測原道篇水大不可極深不可測主術篇天道大不可極深不可測呂氏春秋下賢篇昏乎其深而不測也高注竝云測盡也測與盡同義詳見經義述深厚下闡禮記測後人但知既之訓爲盡而不知測之訓爲盡遂以其所知改其所不知謬矣且測與服爲韻服字古讀蒲北反說見唐韻正若作既則失其韻矣

人之所能已

不強人之所不能爲不絕人之所能已陳氏觀樓曰能已上亦當有不字文子上仁篇正作不絕人所不

能已。

樂優以淫

禮飾以煩。樂優以淫。念孫案文子上仁篇。優作擾。於義爲長。擾亦煩也。俗書擾字作擾。與優相似而誤。義者宜也。禮者體也。

義者循理而行宜者也。下者字據下文及太平御覽禮儀部二補。禮者體情而制文者也。而字據上文及太平御覽補。義者宜也。禮者體也。引之曰。上二句卽是訓義爲宜。訓禮爲體。不須更云。義者宜也。禮者體也矣。疑後人取中庸禮器之文記於旁。而寫者因誤入正文也。

有虞氏之祀

有虞氏之祀。其社用土。祀中霤。葬成畝。念孫案有虞氏之祀。祀當爲禮。此涉下文祀中霧而誤也。有虞氏之禮。總下三事而言。不專指祭祀。下文夏后氏之禮。今本脫之。禮字據下文補。殷人之禮。周人之禮。皆其證。

遂反於樸

已淫已失。與佚同。復揆以一。旣出其根。復歸其門。已雕已琢。遂反於樸。念孫案遂當爲還字之誤也。還字與上文兩復字同義。作遂則非其指矣。原道篇及說苑說叢篇竝云已雕已琢。還反於樸。是其明證也。莊子山木篇云。旣雕旣琢。復歸於朴。韓子外儲說左篇云。旣雕旣琢。還歸其樸。還亦復也。此皆淮南所本。

草薺

書若芻狗土龍之始成文以青黃絹以綺繡太平御覽引作飾以綺繡纏以朱絲戶祝杓杖大夫端冕以送迎之及其已用之後則壞土草薺而已各本薺下有音出二字莊曰太平御覽薺作芥王部二芥正字薺選鶴鳥賦注引鶴冠子作細故謂薺又云謂薺與芥古字通玉篇薺俗薺字索隱曰薺音介漢書作蒂芥是芥薺古字通故此作薺御覽作草芥也

大雨

故當舜之時有苗不服於是舜修政偃兵執干戚而舞之禹之時天下大雨禹令民聚土積薪擇邱陵而處之念孫案天下大雨雨本作水此後人妄改之也唯天下大水是以令民聚土積薪而處邱陵若作大雨則非其指矣後人改水爲雨者以與舞處二字爲韻耳不知此文但以舞處爲韻餘皆不入韻也要略正作禹之時天下大水

故不爲三年之喪始

武王伐紂載尸而行海內未定故不爲三年之喪始禹有洪水之患各本有作遭乃後人以意改之文選海賦注應璩與從弟君苗君胄書注

太平御覽禮儀部三十引此並作有今據改陂塘之事故朝死而暮葬道藏本不爲三年之喪始下注云三年之喪於武王念孫案故不爲三年之喪始當作故爲三年之喪始於武王藏本始字誤入正文正文爲三年之喪上又衍不字則正文注文皆不可讀矣且上文以舞處爲韻此以行喪葬爲韻若喪下有始字則失其韻矣此言武王爲三年之喪而禹則朝死暮葬與武王不同非謂武王不爲三年之喪也下文云修干戚而笑饅插知三年而非一日今本非上脫而上句補干戚二字承上文舜舞干戚而言饅二字承禹令民聚土而言一日二字承禹朝死暮葬而言三年二字則承武王爲三年之喪而言若云不爲三年之喪則與下文相反矣要略云武王誓師牧野以踐天子之位天下未定海內未輯武王欲昭文王之令德使夷狄各以其賄來貢遼遠未能至故治三年之喪殯文王於兩楹之間以俟遠方彼言武王治三年之喪正與此同若云不爲三年之喪則又與要略相反矣道應篇述武王之事亦云爲三年之喪令類不蕃以上三篇皆謂武王始爲三年之喪故高注云三年之喪始於武王也藏本作三年之喪於武王者始字誤入正文耳劉續不知是正又改注文爲三年之喪於武王廢朱本又改爲言始廢於武王也莊本同皆由正文誤作不爲三年之喪故又改注文以從之耳

爲人

是故不法其以成之法已與而法其所以爲法所以爲法者與化推移者也夫能與化推移爲人者至貴

在焉爾念孫案夫能與化推移者乃復舉上文之詞推移下不常有爲人二字蓋涉下文與造化爲人而衍

鉗且

鉗且得道以處崑崙莊氏伯鴻曰莊子太宗師篇堪坏得之以襲崑崙陸德明釋文云堪坏神名人面獸形司馬彪注淮南作欽負是唐本鉗且作欽負也字形近故誤耳程文學據山海經云是與欽鴟殺祖江于崑崙之陽西山經後漢書注引作欽駢張衡傳皆古字通用錢別駕云古不與負通故尙書不子之責史記作負子不與負通因之從不之字亦與負通也堪欽亦同聲念孫案程錢莊說皆是

齊味

今屠牛而烹其肉或以酸或以甘言或用酸或用甘也舊本作或以爲酸或以爲甘兩爲字皆後人所加據今刪煎敖燎炙齊味萬方念孫案齊味當爲齊味字之誤也齊讀若劑味卽今和字也讀若廿受和之和舊本北堂書鈔及太平御覽引此竝作齊和萬方陳禹謨改齊和萬方爲有萬方譏甚和與齊義相近鄭注周官鹽人云齊事和五味之事又注少儀云齊謂食羹醬飲有齊和者也高注呂氏春秋本味篇云齊和分也本經篇云煎熬焚炙調齊和之適鹽鐵論通有篇云庖宰烹殺胎卵煎炙齊和窮極五味新序雜事篇云管仲善斷割之隰朋善煎熬之賓胥無善齊和之漢書藝文志云調百藥齊和之所宜皆其證也又案和字說文本

作咅今經傳皆作和從隸變也此咅字若不誤爲味則後人亦必改爲和矣

撥櫬

伐楩柟豫樟而剖梨之或爲棺槨或爲柱梁披斷撥櫬所用萬方高注曰撥析理也遂順也念孫案如高注則櫬字本作遂故訓爲順也今作櫬者因上文棺槨柱梁等字而誤耳茅本并注文亦改爲櫬而莊本從之謬矣

一體

故百家之言指奏相反其合道一體也譬若絲竹金石之會樂同也念孫案體字因下文不失於體而衍合道一與會樂同文正相對則一下不當有體字下文又云其知馬一也其得民心鈞也皆與此文同一例

刀以剃毛

屠牛坦一朝解九牛而刀以剃毛念孫案刀下當有可字刀可以剃毛賈子所謂芒刀不頓也脫去可字則文義不明白帖十三太平御覽兵部七十七資產部八引此皆有可字

刀如新剖

庖丁用刀十九年而刀如新剖劉本於剖下增硎字念孫案劉增是也據高注云硎磨刀石則有硎字明

矣下刀字當作刃刃刀字相似又涉上刀字而誤也刃如新剖硎言刀刃不頓也莊子養生主篇今臣之刀十九年矣而刀刃若新發於硎呂氏春秋精通篇宋之庖丁好解牛用刀十九年而刀若新磨研皆其證也太平御覽資產部八引此作刃如新砥硎雖砥與剖不同而字亦作刃

所以巧

若夫規矩鉤繩者此巧之具也而非所以巧也念孫案巧也上當有爲字下文云故弦悲之具也而非所以爲悲也與此相對爲文太平御覽工藝部九引此正作非所以爲巧文子自然篇同

心手衆虛之間

游乎心手衆虛之間念孫案衆虛二字因上文游乎衆虛之間而誤衍也上文說庖丁解牛批郤導窾游刃有餘故曰游乎衆虛之間此是說工匠爲連鑽之事不當言衆虛也且心手之間謂心與手之間也則不當有衆虛二字明矣文子作遊於心手之間無衆虛二字

不知孰是孰非

今吾欲擇是而居之擇非而去之不知世之所謂是非者不知孰是孰非陳氏觀樓曰不知孰是孰非不知二字因上句而衍念孫案羣書治要引此無不知二字

趣舍合

故趣舍合。卽言忠而益親。身疏。卽謀當而見疑。念孫案。趣謂志趣也。七句反趣合與身疏相對爲文。則趣下不當有舍字。蓋卽合字之誤而衍者也。文子道德篇正作趣合。

不能致

常欲在於虛。則有不能爲虛矣。若夫不爲虛而自虛者。此所慕而不能致也。念孫案。此所慕而不能致也。義不可通。不能致當作無不致。上文欲在於虛。則不能爲虛。高注以爲爲者敗之。執者失之是也。聖人無爲。故無敗。無執故無失。故曰。若夫不爲虛而自虛者。此所慕而無不致也。所慕無不致。猶言所欲無不得。精神篇曰。達至道者。性有不欲。無欲而不得。義與此同也。今本作不能致者。涉上文不能爲虛而誤。文子道德篇。正作此所欲而无不致也。

然忽不得

不通於道者。若迷惑。告以東西南北所居。盼盼一曲而辟。然忽不得。復迷惑也。念孫案。然忽不得。當作忽然不得。

倪

辟若倪之見風也。無須臾之間定矣。高注曰。倪候風雨也。世所謂五兩者也。莊氏伯鴻曰。文選注引倪作綱。玉篇乎官乎審二切。許慎注云。綱候風也。楚人謂之五兩。攷古完與見字形相近。本多譌別。故論語莞爾之莞。陸

德明又作覓。此字義當作綻爲是。念孫案莊以倪爲綻之譌是也。道藏本朱本注竝作倪候風雨也。雨乃羽字之譌。劉本改爲候風雨者茅本又改爲候風者也。而莊本從之誤矣。廣韻綻船上候風羽北堂書鈔舟部二十引注云。綻者候風之羽也。太平御覽舟部四引許注云。綻候風羽也。今本羽譌作屬。則高注兩字明是羽字之譌。文選江賦注引許注作候風也者傳寫脫羽字耳。

治世之體

治世之體易守也。其事易爲也。其禮易行也。其責易償也。念孫案治世之體。羣書治要引此體作職。是也。俗書職字作職體字作體。職誤爲體。又改爲體耳。職易守事易爲禮易行責易償。四者義竝相近。若作體。則與守字義不相屬。且與下三句不類矣。文子下德篇亦作職易守。下文云。萇宏師曠不可與衆同職。又其一證矣。

跖鏗

故伊尹之興土功也。脩脰者使之跖鏗。高注曰。長脰以踢插者。使入深。太平御覽地部二器物部九引此鏗竝作鐸。念孫案鐸字是也。鐸卽缶也。跖踢也。淮南許注如此。故高注言踢插說文。茱玉篇。胡兩刃缶也。宋魏曰。茱或作釤。玉篇云。今爲鐸。方言云。缶宋魏之間謂之鐸。高注精神篇云。缶鐸也。青州謂之鐸。釋名云。鐸或曰鐸。鐸剗也。剗地爲坎也。茱釤鐸字異而義同。亦同。古人謂缶爲鐸鍬是也。使長脰者踢缶則

入地深而得土多故高注曰長脛以踢插者使入深也後人不識鑠字遂妄改爲鑠埤雅引此作鑠則所見本已然案說文鑠大鉏也鉏以手揮非以足踢不得言踢鑠且高注明言踢插不言踢鑠

毛嬪

待西施毛嬪而爲配則終身不家矣高注曰西施毛嬪古好女也羣書治要引此作西施絡慕又引注作西施絡慕古好女也太平御覽獸部八引作落慕念孫案廣韻及元和姓纂絡落皆姓也慕蓋其名治要御覽所引者原文也今本作毛嬪者後人不知絡慕所出又見古書多言毛嬪西施故改之耳不知他書自作毛嬪此自作絡慕不必同也

竝用

然非待古之英俊而人自足者因所有而竝用之念孫案羣書治要引此竝作遂於義爲長遂卽也言因所有而卽用之故不待古之英俊而人自足也今本作竝者後人依文子下德篇改之耳

危爲禁

亂世之法高爲量而罪不及重爲任而罰不勝危爲禁而誅不敢念孫案危爲禁本作危爲難危爲難而誅不敢者危猶高也見緇衣難爲艱難之事而責之以必能及畏難而不敢爲則從而誅之正與上二句同意後人不察而改難爲禁禁之正欲其不敢何反誅之乎文子下德篇正作危爲難而誅不敢莊子則

陽篇匿爲物而愚不識大爲難而罪不敢重爲任而罰不勝遠其塗而誅不至呂氏春秋適威篇煩爲教而過不識數爲令而非不從巨爲危而罪不敢重爲任而罰不勝文義竝與此同

易其處

道德之論譬猶日月也江南河北不能易其指馳騖千里不能易其處念孫案下易字本作改此因上易字而誤也意林及文選月賦注鮑照翫月城西門解中詩注引此下易字竝作改

處世

故六騏驥四駢驥以濟江河不若竄木便者處世然也高注曰竄空念孫案處世本作處勢古者謂所居之地曰處勢竄木謂舟也言乘良馬濟江河不若乘舟之便者處勢使然也莊子山木篇曰王獨不見夫騰猿乎得柘棘枳枸之間危行側視振動悼慄處勢不便未足以逞其能也新序雜事篇曰元媛在枳棘之中恐懼而悼慄危視而躡行處勢不便故也史記蔡澤傳曰翠鵠犀象其處勢非不遠死也漢書陳湯傳曰故陵因天性據真土處勢高敞又史記楚世家曰處既形便勢有地利有與淮南似真篇曰處便而勢利處勢或曰勢居逸周書周祝篇曰勢居小者不能爲大賈子過秦篇曰秦地被山帶河以爲固自繆公以來至於秦王二十餘君常爲諸侯雄其勢居然也淮南原道篇曰故橘樹之江北則化而爲橙今本楨乃後人據考工記改之辯見原道鴟鴞不過濟猶渡汝而死形性不可易勢居不可移也或言處或言勢或言處勢或言

勢居其義一也。後人不識古義，而改處勢爲處世，其失甚矣。

箕子

王子比干非不知箕子被髮佯狂以免其身也。然而樂直行盡忠以死節故不爲也。念孫案箕子二字因下文從箕子視比干而衍。下文曰伯夷叔齊非不能受祿任官以致其功也許由善卷非不能撫天下寧海內以德民也。豫讓要離非不知樂家室安妻子以偷生也皆與此文同一例。若有箕子二字則文不成義且與下文不對矣。

不足以論之

故其爲編戶齊民無以異。然貧富之相去也猶人君與僕虜不足以論之。念孫案論當爲諭字之誤也。諭或作喻。太平御覽人事部一百二十六引此作不足以喻之又引注云。喻猶方也是其證。

由是

夫乘奇技僞邪施者僞與爲同自足乎一世之間守正循理脩辯見原道不苟得者不免乎飢寒之患而欲民之去末反本由是發其原而壅其流也。念孫案由是當爲是由由與猶同羣書治要引此正作是猶。

仕鄙

故仕鄙在時不在行利害在命不在智。陳氏觀樓曰。仕鄙當爲仁鄙字之誤也。仁與鄙相反利與害相反。

論衡命祿篇引此正作仁鄙。本經篇曰：毀譽仁鄙不立。漢書董仲舒傳曰：性命之情，或天或壽，或仁或鄙。

決沈 先升

故江河決沈。一鄉父子兄弟相遺而走，爭升陵阪上高邱，輕足先升，不能相顧也。念孫案沈當爲流字之誤也。荀子勸學篇。瓠巴鼓瑟而魚出聽。大戴禮作沈魚。江河決流爲句。一鄉二字下屬爲句，非以沈一鄉爲句。江河之決所沈非止一鄉也。羣書治要引此正作江河決流。又輕足先升升字與上文相復。羣書治要引作輕足者先無升字於義爲長。

求水

扣門求水莫弗與者所饒足也。念孫案此用孟子語，則水下當有火字。羣書治要意林引此皆作求水火。

